

二加  
120  
15


十五

二如身詳考譜

藥譜



150  
12



二如亭群芳譜

藥譜小序

語云為人臣不可不知醫為人子不可不知醫  
昔范文正願為良醫而陸忠宣罷相日惟閉門  
集古方書豈非以醫也者死生之繫人鬼之關  
哉每見世之俗醫且不知有本草無問雜經素  
問矣間取諸藥形性及所療治而書之册即不  
或妄擬二公或亦二公之遺意也

二如亭群芳譜  
藥譜小序

門二加丁  
號 120  
卷 15

二如亭群芳譜

藥譜小序

語云爲人臣不可不知醫爲人子不可不知醫  
昔范文正願爲良醫而陸忠宣罷相日惟閉門  
集古方書豈非以醫也者死生之繫人鬼之關  
哉每見世之俗醫且不知有本草無問難經素  
問矣間取諸藥形性及所療治而著之冊卽不  
敢妄擬二公或亦二公之遺意也作藥譜

濟南王象晉蓋臣甫題



二如亭群芳譜

藥部首簡

本草綱目序

夏良心

夏公名良心廣德人副都御史

賈子有言古之聖人不居朝廷必居醫卜之間  
醫可賤簡為哉本草一書固醫家之耨鋤弓矢  
也名不覈則悞取性不明則悞施經不辨則悞  
入悞者在幾微之間而人之死生壽夭係焉可  
無慎乎吾觀本草一書而有感天下之生物何

其獨厚於人也既有百穀以養其生又有百草以治其疾夫使蚩蚩者有生而無疾也則滋以百穀足矣惟其不免於寒暑陰陽之侵故必良藥補之毒藥攻之而後得以祛其所害而終其天年嗚呼此治道也治生者去其所以害吾生者而已矣治民者去其所以害吾民者而已矣今天下號稱治平無事然而病在脉理者已數形見四民之業窘而重以熯澇之不時所在有

啼號聲則元氣索采權之使十道四出而鴟張虎視者且徧埏寓則邪氣盛當其時欲如醫者按其表裏標本而治之何者宜補何者宜攻其用以補者將為葠木乎抑芩與文無乎用以攻者將為黃芩乎抑董與烏喙乎取其散於山澤者以調吾臟腑必何如而後可以無悞是必有精於其理者若跼之滌和之視長桑君之方太倉公之診而後能挽斯世於仁壽耳

又

董其昌

吾聞五帝之書謂之三墳三墳言大道也道莫人於易近取諸身則爲素問遠取諸物則爲本草蓋說卦所謂於木爲堅多心科上稿者卽本草之鼻祖也且夫藥不過五行五行之變爲五色爲五味爲五氣爲五性爲五用而五者之變不可勝窮聖人以卦氣爲五行之情故曰一日嘗七十毒者此物此志也神膏敷瘡靈丸療疾

非常之事聖人不貴一毒妄攻五兵莫慘傷生之事聖人慎之慎之必自身始聖人亦人耳如以其腹爲嘗蹈必死之域爲神愚莫甚焉豈足信哉知禹之言神也以九疇治水則知農之言神也以八象嘗藥審矣秦燔六經惟易附於醫卜以不廢故曰執之皆術不執皆道謂本草爲神農氏之易可也厥初藥分三品以三百六十五種應周天之數自漢以後代有增益爲圖爲

註爲音義事類者凡數十家至近日蘄州李君  
悉加結集又以經史稗官之書廣引曲証凡四  
十卷命曰本草綱目可謂勤且博矣張文潛明  
道雜志云蘄州龐安時隨症絜方輒有神驗乃  
知醫統故在楚楚又著於蘄神農之佐卽桐君  
雷公所著書已湮滅不傳而龐安時惟傷寒一  
論傳於世今讀李君綱目而古今之醫有所統  
萃焉余故衍三墳之旨而推本於易敢曰爲神

農之言也哉

論藥

李時珍

天造地化而草木生焉剛交於柔而成根莖柔  
交於剛而成枝幹葉萼屬陽華實屬陰得氣之  
粹者爲良得氣之戾者爲毒故有五行焉曰金  
木水火土有五氣焉曰香臭臊腥膻有五色焉  
曰有青赤黃白黑有五味焉曰酸苦甘辛鹹有  
五性焉曰寒熱溫涼平有五用焉曰升降浮沉

中神農嘗而辨之軒岐述而著之漢魏唐宋諸  
 名賢良醫參酌而增損之第三品雖存滯澆交  
 混諸條重出涇渭不分苟不察其精微審其善  
 惡其何以權七方衡十劑而寄千萬世之死生  
 耶於是翦繁複繩繆遺析族類振綱分目凡得  
 可供醫藥者共若干種列之於編

又

張鼎恩

藥者醫用也良醫之用藥也簡而其儲藥也備

張公名鼎  
 鳳長洲人  
 按察使

故芫華一撮半夏數丸已足取效而擦其囊則  
 牛溲馬勃鼠肝蟲臂無不有也何也儲與用異  
 也此書之作固儲道也天之愛人甚矣人之生  
 齒日煩物之化育亦盛人之情識日廣病之變  
 態亦多物之生也若有待人之用也若有期則  
 取之惡得不博平者不可為毒溫者不可為寒  
 辛者不可為苦而平毒溫寒辛苦之中微者不  
 可為甚重者不可為輕也一物而根株異宜一



形而補泄殊性而至於名與實淆如荀書之悞  
讀呂覽之悞註蹲鴟悞稱苦彌悞索者不可勝  
數也則辨之又惡得不詳乎故物雖有名用實  
未著若蘇菽蛄蠶不錄可也其它草根樹皮歧  
行喙息以至土苴芻狗之類秉命雖微效用則  
大既有明驗可厭其多哉況漆葉青麩會益樊  
阿之壽柔湯火齊並愈齊臣之疾昔之名者今  
已非今之實者可終弃耶賞讀東陽記有虎丸

療心疾之徵叔微書有獺爪治肺虫之目道元  
述解毒之草名曰牧靡邵公著救饑之糧稱為  
石穀諸如此類吾猶恨其弗該而惡可以米鹽  
槩之哉故得其精者可以保身可以全生可以  
養親可以濟世庶幾神農氏之風乎而逢者觀  
之則可以窮萬物之曠可以識造化之妙而見  
天地之心則多識固其餘矣

本草源流

李時珍

昔炎皇辨百穀嘗百草而分別氣味之良毒軒  
轅師岐伯尊伯高而剖析經絡之本標遂有神  
農本草三卷藝文錄爲醫家一經及漢末而李  
當之始加按修至梁末而陶弘景益以註釋古  
藥三百六十五種以應重卦唐高宗命司空李  
勣重修長史蘇恭表請復定增藥一百一十四  
種宋太祖命醫官劉翰詳按宋仁宗再詔補註  
增藥一百種召醫唐慎微合爲証類修補衆本

草五百種自是人皆指爲全書醫則目爲輿典  
夷考其間玼瑕不少有當析而混者如葳蕤女  
萎二物而併入一條有當併而析者如南星虎  
掌一物而分爲二種生姜薯蕷菜也而列草品  
檳榔龍眼果也而列木部入穀生民之天也不  
能明辨其種類三菘日用之蔬也罔克的別其  
名稱黑豆赤菽大小同條硝石芒硝水火混注  
以蘭花爲蘭草卷丹爲百合此寇氏衍義之舛

藥譜  
藥譜卷首  
世  
謬謂黃精卽鉤吻旋花卽山姜乃陶氏別錄之  
差譌歐棗若膽草菜重出掌氏之不審天花枯  
樓兩處圖形蘇氏之欠明五倍子構虫窠也而  
認爲木實大藟草田字草也而指爲浮萍似茲  
之類不可枚陳畧摘一二以見錯誤若不分別  
品類何以印定羣疑

二如亭群芳譜利部目錄

第三冊

藥譜小序

藥譜首簡

本草綱目序

夏良心

又

董思白

論藥

李時珍

又

張鼎思

本草源流

李時珍

藥譜一 共十四種  
附錄九種

桂 附水木樨

甘草

艾

黃蓍

人參 附沙參 玄參 紫參  
薺萇 丹參

地黃

米 附蒼朮

檀香 附降真香 望水檀

當歸

川芎

五加

地榆

黃精

牛膝



凋枝條甚繁木無直體皮堪入藥脂多半卷者為壯桂葉似枇杷薄而卷者為菌桂葉似柿皮赤厚味辛烈者為肉桂若官桂乃上等供官之桂也出賓宜韶欽諸州者佳花甚香遠白者名銀桂黃者名金桂能著子紅者名丹桂有秋花春花四季花逐月花者花四出或重臺徑二三分瓣小而圓花時移栽高阜半日半陰處臘雪高擁於根則來年不灌自

使故名桂能侵害他木故名桂紋理如犀故名木樨

丹桂葉邊如鋸齒而紋粗

發忌人糞宜猪糞冬月以搏猪湯澆一次妙又麻糝久浸候水清澆亦佳蚕沙壅根澆以清水來年愈盛北方地寒九月十月間將樹以土培根高尺許外苫蓋周密嚴塗以泥半腰向南晉一小牖暖日開之以透太陽之氣寒則塞之春分後去其塞清明後去其苫無有不活又有巖桂似菌桂而稍異葉如鋸齒如枇杷葉而粗澀者有無鋸齒如梔子葉而

光潔者叢生巖嶺間皮厚不辣不堪入藥花  
 可入茶酒浸鹽蜜作香茶及面藥澤髮之類  
 台州天竺寺者生子如蓮實或二或三離離  
 下垂天竺僧稱為月桂其花時常不絕枝頭  
 葉底依稀數點亦異種也

○ 插接

接宜冬青又春月攀枝着地土壓之五  
 月生根逾年截斷含蕊移栽木樺接石

種樹書

榴花必紅 妨患 如患 蛀損取芝麻梗  
 懸樹間能殺諸虫

○ 製用

桂花點茶香先一室菊英次之入茶為  
 清供之最有益菊種更宜茶二花相為

先後可備四時之用 桂漿殆今之桂花釀  
 酒法魏有頻斯國人來朝壺中有漿如脂乃  
 桂漿也飲之壽千歲談苑記 江南李後主  
 患清暑閣前草生徐鍇令以桂屑布磚縫中  
 宿草盡死又以桂作釘釘樹立斃呂氏春秋  
 云桂枝之下無雜木蓋桂性辛螫故也 花  
 開時擇枝繁處帶花刪下連葉陰乾收貯來  
 年伏中將葉泡湯服溫腹去暑便民圖纂

○ 附錄水木樺

一名指田枝軟葉細五六月開  
 花細而色黃頗類木樺中多鬚

葯香亦絕似二月內分種與甘州枸杞配植  
 兩盆頗稱清賞搗葉加礬染指紅過鳳仙

○ 療治

治足臂筋急桂末白酒和塗之日一上  
 中風口喎面目相引偏僻頰急舌不

可轉桂心酒煮取汁布蘸榻病上左喎榻右  
 右喎榻左常用大效 中風失音桂着舌下

燕汁又桂末三錢水二盞服取汗喉痺不語  
同偏正頭風天陰風雨即發桂心末一兩  
酒調塗額上頂上暑月解毒肉桂去粗皮  
不見火茯苓去皮等分爲末煉蜜丸龍眼大  
每新汲水化服一九九種心痛桂心末二  
錢半酒一盞半煎半盞飲立效又桂末酒服  
方寸七須六七次心腹脹痛氣短欲絕桂  
二兩水一升二合煮八合頓服中惡心痛同  
寒疝心痛四肢逆冷全不飲食桂心末一  
錢熱酒調下效產後惡血冲心氣痛欲絕  
桂心末狗膽汁九芡子大每熱酒服一九  
產後腹痛桂末酒服方寸七效血崩桂心  
三兩砂鍋內煨存性爲末空心飲服一二錢  
死胎不下桂末二錢待痛急時童子小便  
溫熱調下亦治產難橫生加麝香少許酒下  
反腰血痛桂末和苦酒塗之乾再上吐

血下血桂心爲末水服方寸七此陰乘陽之  
症也不可服涼藥南陽趙宜德暴吐血服二  
次而止其甥亦以二服而安小兒久痢赤  
白用桂去皮以薑汁炙紫黃連以茱萸炒過  
等分爲末紫蘇木瓜煎湯服小兒遺尿桂  
末雄雞肝等分搗丸小豆大溫水調下日二  
服嬰兒臍腫多因傷濕桂心炙熱熨之日  
四五次外腎偏腫桂末水調方寸七塗之  
食果服脹不拘老少用桂末飯和丸綠豆  
大吞五六丸白湯下未消再服打撲傷損  
淤血溷悶身體疼痛辣桂末二錢酒服乳  
癰腫痛桂心甘草各三分烏頭一分炮爲末  
和苦酒塗之紙覆任膿化爲水神效諸蛇  
傷毒桂心苦萋等分爲末筒密塞遇毒蛇  
傷卽傅之塞不密則不中口根毒氣  
欲絕或出白沫身體冷急煎



新汲水一二升 莞花毒並煮桂汁服 中  
風逆冷吐清水宛轉啼呼桂一兩水一升半  
煎半升冷服消暑桂漿官桂末一大兩白蜜  
一升先以水二斗煎取一斗待冷入新磁瓶  
中後下桂蜜攪二三百遍先以油單一重覆  
上加紙六重以繩札嚴每日去紙一重七日  
開之其氣味美飲以小杯能解煩渴益氣消  
疾神效無比再加梅醬一大兩似更佳 陰  
痺寒痛皮膚不仁用醇酒二十斤蜀椒一斤  
乾薑一斤桂心一斤咬咀漬酒中用綿絮一  
斤細白布四丈并納酒中置馬矢煨中封塗  
勿使泄氣五日五夜出布絮暴乾復漬以盡  
其汁每漬必足其日乃出乾之并用滓與絮  
複布爲復巾長六七尺爲六七巾每用一中  
生桑炭火炙巾以熨寒痺所刺之處令熱入  
至病所寒則復炙巾以熨之三十遍而止汗

出以巾擦身亦三十遍起步內  
室勿見風每刺必熨如是病已

出音綴

○典故

花多五出惟桂花四出潘笠江謂土之  
生物其成數五故草木花皆五惟桂乃

月中之木居西方四乃西方金之生數故四  
出而金色且開於秋云 月中有桂樹淮南

子月桂高五丈下有人常斫之樹瘡隨合

其人姓吳名剛西河人學仙有過謫令伐樹

酉陽雜俎 范蠡好服桂飲水賣藥蘭陵於

北邙得仙 洪武間史家有木樨忽變紅色

其色尤異因接一本獻之朝

高皇帝製詩以賜曰月宮移向日宮裁引得輕紅

入面來好向烟霞承雨露丹心一點爲君開  
又曰秋入幽巖桂影圓香心粟粟照林丹應  
隨王母瑤池宴淙得朝霞下廣寒自是四方  
爭傳其本 有左翁者坐桂樹下以玉盃盛

羊方普

卷一藥譜

五

甘露與吳猛服之廬山記

漢武帝凌波殿

以桂為柱風來自香

武帝謂東方朔孔顏

之道德何勝方朔曰顏淵如桂馨一山孔子

如春風至則萬物生翰林雜事鈔

太山北

有桂樹七十株天神青腰玉女三千人守之

其實赤如橘人食之一年仙官迎之常有九

色飛鳳寶光珠雀鳴集於此天地運度經

漢武帝使董謁乘琅霞之輦以昇壽靈壇上

至三更西王母駕玄鸞之輿至壇之四面列

種軟條青桂風至桂枝自拂階上遊塵淮南

南王安好道感八公共登山而賦有大小桂

山因以自號淮南子晉郝生對策第一武

帝問之對曰臣今為天下第一猶桂林一枝

晉史 臯塗之山有桂木八樹在賁隅東八

樹成林言其大也山海經 桂陽郡有桂嶺八

開花徧樹林嶺盡香地理志 石桂英似桂

賁隅即香

樹而實石生岩穴中 有遠飛雞夕則還依

人曉則絕飛四海嘗街桂實歸于南土本草

圖經江東諸處每至四五月後嘗于衢路拾

得桂子大如狸豆破之辛香故老相傳是月

中落也北方獨無者非月路也又張君房為

錢塘令夜宿月輪山寺僧報曰桂子下塔遽

起望之紛如烟露回旋成穗散墜如牽牛子

黃白相間咀之無味則桂子之落往往有之

但人不識耳郭子橫洞真記 黃山谷以吾

無隱乎爾之義黃詮釋再三晦堂不答時暑

退涼生秋香滿院晦堂因問曰聞木樨香乎

黃曰聞晦堂曰吾無隱乎爾 昔有僧自天

竺鷲山飛來八月十五夜嘗有桂子落白樂

天詩云仙花桂子落紛紛東坡詩注 桂子

之說起自唐時後宋慈雲式公月桂詩序云

天聖丁卯秋八月十五夜月有濃華雲無纖

迹天降靈實其繁如雨其大如豆其圓如珠  
 其色白者黃者黑者殼如芡實味辛識者曰  
 此月中桂子好事者播種林下一種即活  
 垂拱四年三月兩桂子於台州旬餘乃止  
**行志** 竇禹鈞有五子俱登科馮道贈之詩  
 曰靈椿一枝老丹桂五枝芳 **詩集** 無瑕嘗  
 着素裳折桂明年開花潔白如玉女伴折取  
 簪髻號無瑕玉花 **王路花史** 木樨吾地為  
 盛天香無比然須種早黃毬子二種不惟早  
 黃七月中開毬子花密為勝即香亦馥郁異  
 常丹桂香滅矣以色稍存之餘皆弗植又有  
 一種四季開花而結實者此真桂也閩中最  
 多常以春中盛開吾地亦間有之宜植以備  
 一種 **王敬美** 花之四季開者蘭桂而外有  
 月桂長春菊月桂閩種為佳 **前人** 南越傳  
 尉陀獻桂蠹一器師古曰此蟲食桂味辛蜜

漬食之今澤志物產載此  
 問之七人無知者 **張七澤**

○麗藻散語

桂棹兮蘭柁 桂棟兮蘭橈 奠  
 桂酒兮椒漿 結桂枝兮延佇

沛吾乘兮桂舟 援北斗兮酌桂漿 **俱楚詞**  
 麗桂樹之冬榮 **遠遊** 朱桂黝儵于南北 **靈**

**光毀賦** 桂樹列兮紛敷 吐花紫兮布條實  
 孤 飲箇若之朝露兮搗桂木以為室 桂

蠹不知所淹 晉兮蓼虫不知死乎葵葉 **文選** 文 桂  
 桂芳香而正堅 故君子依之 **益文選** 文 樹

叢生兮山之幽 偃蹇連蹇兮枝相繚 山氣籠  
 從兮石嵯峨 谿谷嶄岩兮水層波 狷狷群嘯

兮虎豺 嗥攀援桂枝兮聊淹留 王孫遊兮不  
 歸 春草生兮萋萋 歲暮兮不自聊 聽蛄鳴兮

啾啾 塊兮軋山 曲岬心淹留 同慌忽兮泐僚  
 兮慄虎豹穴 叢薄深林兮人上慄 嶺岑礧礧

依音又

礧音奇

礧音擬

羊 七 音

卷一 藥譜

二

烟音烟 稽音增 確五委切 頰音頰 麀音均 麀音加 漑音徙

今烟磴魄確樹輪相糾兮林木茂翫青蒨雜  
樹兮嶺草蘼靡白鹿麀麀兮或騰或倚狀貌  
奎奎兮峩峩淒淒兮澁澁猓猓兮熊羆慕類  
兮以悲扳援桂枝兮聊淹留虎豹聞兮熊羆  
咆禽獸駭兮亡其曹王孫兮歸來問春桂  
山中兮不可以久留小山招隱問桃李正  
芳華年光隨處滿何事獨無花春桂答春  
華詎能久風霜搖落時獨秀君知否王績詩  
五言 仙籍桂香浮 微風動桂華嵇康 秋  
近秋桂俱杜甫 桂子秋皎潔孟浩然 賞月  
桂隱遙月折桂早年知李太白 有喜留  
攀桂無勞問轉蓬 不采芳桂枝反棲惡木  
根俱前人 水綠牽蘅帶山青列桂旗古詩  
天開金粟藏人立廣寒宮 斫却月中桂  
清光應更多 轉蓬行地遠攀桂仰天高

禮闈曾擢桂憲府舊乘驄 故園松桂發萬  
里共清輝俱杜江都 瓊葉潤不凋珠英璨  
如織李德裕 桂熟常收子蘭生不作畦玉  
建 弟子已攀桂先生猶卧雲方 相思  
在何處桂樹青雲端李白 蟾宮分異種人  
世散清香白氏集 芳意不可傳丹心徒自  
渥柳子厚 桂樹生南海芳香隔楚山今朝  
天上見疑是月中攀盧僊 堂中有八樹繁  
華無四時不識風霜苦安知零落期范雲  
不是人間種移從月裏來廣寒香一點吹得  
滿山開楊誠齋 團團桂叢孤枝葉寒更媚  
託根廷宇間自有幽人致何必問嫦娥青雲  
借餘地曾文昭 有客賞芳叢移根在幽谷  
為懷山中趣愛此岩下綠曉露秋暉浮清陰  
藥闌曲更待繁華白邀君弄芳馥歐文忠  
未植蟾宮裏寧移玉殿幽枝生無限月花滿

羊芳音 卷一藥譜

自然秋俠客條為馬仙人葉作舟願君期道術攀折可淹留

**李嶠**

山中綠玉樹瀟灑向

秋深小閣芬為度書帷氣欲侵披懷清露曉遇賞夕嵐陰珍重王孫意天涯淚滿襟

**宋文**

**公** 亭亭岩下桂歲晚獨芬芳葉密千層綠花開萬點黃天香生淨想雲影護仙粧誰識

王孫意空吟招隱章 西墅絕喧囂秋梧葉亂飄獨憐青桂樹金粟綴柔條泛酒香偏細

入詩景更饒小山風可仰招隱此逍遙

**方九**

**功** 巖壑同棲處風霜獨秀時暗飄靈隱粟高擢廣寒枝露氣侵衣袂天香撲酒卮桂叢

吾自密不負小山期

**申瑤泉**

西嶺千年桂

陰森入翠微瓊枝雲外綠金粟雨中肥影落浮杯酒香飄襲客衣當年和露折曾向廣寒

歸

**郭鯤**

世人種桃李多在金章門攀折爭捷徑及此春風暄一朝天霜下榮輝難久

存安知南山桂綠葉垂芳根青陰亦可託何惜植君園

**李大自**

鷲嶺鬱岩堯龍宮鎖寂

寥樓觀滄海日門對浙江湖桂子月中落天香雲外飄捫蘿登塔遠剝木取泉遙霜薄花

更發水輕葉互凋風齡尚遐異披對滌煩囂待入天台路看余渡石橋

**駱眉玉**

憶在山

中時丹桂花葳蕤紅泉浸瑤草日夕生華滋

箬屋開地爐翠墻挂藤衣看經竹窓邊白猿三四枝東峯有老人眼碧頭骨竒種薤煮白

石旨趣如嬰兒月上來打門月落方始歸授我微妙訣恬淡無所為別來六七年只恐白日飛

**釋貫休**

画工吝幽香斑斑被花木氤

氤寒岩桂高韻蓋群馥無人盡日芳守志何幽獨士介耻求知女貞慙自鬻淒涼楚山秋

穆枝吐金粟淺水暎輕明微颺發含蕾樓端靜忽聞馬上遙相逐踟躕為延佇但見林巒

綠餅罌誰折贈清芬闕室廬久處不自知乍  
至稱馥郁客悲芬歲暮夢遶寒溪曲長吟小

山詞古意恐  
難復劉屏山七言聯翩桂花墜秋月李賀  
嚴霜五月摧桂枝李太白

玉枝陳簡齋山雲漠漠桂花濕東坡桂  
花敢關香韓子蒼月中有客曾分種世上無

兒童拾薄金楊誠齋桂折一枝先許我楊  
穿百葉盡驚人白樂天

冷蕊疎枝半不禁杜子美天將秋氣蒸寒  
馥月借金波滴小黃滄雪凝酥點嫩黃

薇清露染衣裳西風掃盡狂蜂蝶獨伴天邊  
桂子香韓子蒼彈壓西風擅眾芳十分秋

色為伊忙一枝淡貯書窓下人與花心各自  
香朱淑真雨過西風作晚涼連雲老翠入

新黃清風一日來天闕世上龍涎不敢香  
志宏眾芳搖落九秋期橫出天香第一枝  
莫似寒梅太孤絕更教遙夜笛中吹宋文公

學仙深愧似吳郎賴有吾廬兩字蒼疑是  
廣寒宮裏種一秋三度送天香丹霄休嘆

路難通學取燕山種桂叢異日天香滿庭院  
吾廬當似廣寒宮俱王梅溪誰遣秋風開

此花天香來自玉皇家鬱金裳泥薔薇露知  
是仙人萼綠華方秋崖多應仙國山邊種

豈是姮娥月裏香願為兒孫積陰德東堂常  
占一時芳朱貫之金風飄處識天香清影

分明載魄光莫向高枝輕易折須知紅是狀  
元郎張銘盤月缺霜濃細蓋乾此花元屬

桂堂仙鷲峯子落驚前夜蟾窟枝空記昔年  
破戒高僧於耿介練裙溪女闢清妍願公採

擷綉幽佩莫遣遺芳老澗邊東坡塵世何

曾識桂林花仙夜入廣寒深移將天上眾香  
國寄在稍頭一粟金露下風高月當戶夢回  
酒醒客聞砧詩情惱得渾無那不為龍涎與  
水沉楊誠齋翠圍侍女擁紅幢霞臉調朱  
笑額黃共醉東君千日酒更翻西母九霞觴  
人間天上高低影月下風前自在香輪與廣  
寒宮裏客年年綠鬢賞秋光楊濟翁招隱  
曾緣桂樹番追歡仍愛小山幽尊前露氣浮  
青漢雲裏天香散碧秋老榦已分蟾窟種良  
宵堪續兔園遊靈椿晚歲能相傍花底何妨  
醉白頭甲子泉長堤曲水蓼初紅画舫清  
謳引醉翁月色平臨松頂上雲光微起竹林  
中香飄桂殿分清露影落銀河淡晚風願假  
飛鳧鼓神翼與君同躡廣寒宮潘允哲玉  
階桂影秋綽約天空為捲浮雲幕嬋娟醉眠  
水晶殿老蟬不守餘花落蒼苔忽生霜月裔

仙芬淒冷真珠萼娟娟石畔為誰妍香霧着  
人清入膜夜深醉月寒相就荼蘼却作傷心  
瘦弄雲仙女淡紵衣烟裙不着鴛鴦繡眼中  
寒香誰同惜冷吟徑召梅花鬼小蠻為洗玻  
瓊盃晚來秋甕詞小山叢桂最有畱人意拂  
蒲桃碧毛澤民葉扳花無限思雨濕濃香  
滿袂。別來過了秋光翠簾昨夜新霜多少  
月宮顏色嫦娥與借微芳劉原父清平樂  
黃衫相倚翠葆層層底八月江南風日美弄  
影山腰水尾。楚人未識孤妍離騷遺恨千  
年無住庵中新事一枝喚起幽禪陳簡齋  
少年痛飲憶向吳江醒明月團圓高樹影十  
里薔薇水冷。大都一點宮黃人間直恁芬  
芬怕是秋天風露淅教世界都香辛稼軒  
香蕝蕝小山叢桂烘温玉酒愁花暗沈腰如  
束。煩君刺與陽春曲為君細拂羅衾馥羅

羊  
卷一  
藥譜

衾馥一春幽夢與君相續趙介菴秦樓月  
 暗淡輕黃體性柔情疎迹遠只香畱何須淺  
 碧深紅色自是花中第一流。梅定妬菊應  
 羞詩書閑處冠中秋騷人可煞無情思何事  
 當年不見收李易安鷓鴣天 月窟盤根雲  
 岩分種絕知不是塵凡琉璃剪葉金粟綴花  
 繁黃菊周旋避舍友蘭蕙羞殺山礬清香遠  
 秋風十里鼻觀已先參。酒闌聽我語平生  
 半世江北江南經行處無窮綠水青山常被  
 此花相惱思共老結屋中間不知爾薊林底  
 事遊戲到人寰向伯恭滿庭芳 天高氣肅  
 正月色分明秋容新沐桂子初收三十六宮  
 都足不辭散落人間去怕群花自憊憊俗向  
 他秋晚喚回春意幾曾幽獨。是天上餘香  
 賸馥惟一樹香風十里相續坐對花傍但見  
 色浮金粟芙蓉只解添愁思況東籬淒涼黃

菊入時太淺背時太遠愛尋高躅桂枝香  
 也無梅竹新標格也無紅杏妖嬈色一味惱  
 人香群花不敢當。情知天上種飄落深岩  
 洞不管月宮寒將花比並看朱淑真菩薩蠻  
 岩桂秋風南埭路墻外行人十里香隨步  
 此是薊林遊戲處誰知不向根塵住。今日  
 對花非浪語憶昨明光早荷君王顧生怕青  
 蠅輕點汚思鱸何似思花去向子諤蝶戀花  
 玉宇涼生清禁曉丹色照晴空珊瑚敲  
 碎小玲瓏人間無此種來自廣寒宮。雕玉  
 闌干深院靜嫣然凝笑西風曲屏須占一枝  
 紅且圖歌醉枕香到夢寬中張材甫臨江仙  
**甘草** 一名國老一名靈通一名美草一名蜜草  
 一名蜜甘一名落草生陝西河東州郡青州



間亦有之春生青苗高三四尺枝葉悉如槐  
葉端微尖而糙濇似有白毛七月開紫花冬  
結實作角子熟時角拆子扁如小豆極堅根  
長者三四尺粗細不定皮赤上有橫梁梁下  
皆細根採得去蘆頭及赤皮陰乾用以堅實  
斷理者爲佳其輕虛縱理及細韌者不堪用  
味甘平無毒最爲衆藥之主治七十二種乳  
石毒解一千二百般草木毒調和衆藥故有

國老之號生用瀉火熱熟用散表寒其性能  
緩能急而又協和諸藥使之不爭惟中滿嘔  
吐嗜酒者忌用昔有中烏頭巴豆毒者甘草  
入腹卽定加大豆其驗奇嶺南解蠱毒凡飲  
食先取炙甘草一寸嚼之嚥汁若中毒隨卽  
吐出仍以炙甘草三兩生薑四兩水六升煮  
二升日三服常帶數寸隨身備用若含甘草  
食物而不吐是無毒者也

○頭 生用能行足厥陰陽明二經汗濁稍生用

之血消癰疽腫痛之毒宜入吐藥

○灸法 長流水蘸濕灸透為熱刮去赤皮或用漿水有云用酒及酥灸者非也

○療治 傷寒心悸脉結代者甘草二兩水三升煮一半服七合日一服 傷寒咽痛甘

草二兩蜜炙水二升煮一升半服五合日二服 肺熱喉痛有痰甘草炒二兩桔梗米泔

浸一夜一兩每服五錢水一鍾半入阿膠半片煎服 肺痿吐涎沫頭眩小便數而不效

者肺冷也溫之甘草炙四兩乾姜炮二兩水三升煮一升五合分服 肺痿久嗽涕唾多

骨節煩悶寒熱甘草三兩炙搗為末每日取小便三合調甘草末二錢服 小兒熱嗽甘

草二兩猪膽汁浸五宿炙研末蜜丸綠豆大食後薄荷湯下十九 小兒初生未可便與

硃砂蜜只以甘草一指節長炙碎以水三合煮取一合以綿點兒口中約一蠅殼當吐出

胸中惡汁此後待兒飢渴更與之令兒知慧無病出痘稀少 初生便閉甘草枳殼煨各

一錢水半盞煎服 小兒撮口噤生甘草二錢半水一盞煎六分溫服令吐痰涎後以乳

汁點兒口中 嬰兒目澀或腫羞明或出血名慢肝風用甘草一截猪膽汁炙為末每用

米泔調少許灌之 小兒遺尿大甘草頭煎湯夜服 小兒尿血甘草一兩二錢水六

合煎二合一歲兒一日服盡 小兒羸瘦甘草三兩炙每旦以小

丸日二 大人羸瘦甘草三兩炙每旦以小便煮三四沸頓服之良 赤白痢甘草一尺

君言  
一  
十四  
劈破以淡漿水蘸炙水一升半煎取八合服  
之立效又方甘草一兩炙肉豆蔻七箇煨剉  
水三升煎一升分服 舌腫塞口不治殺人  
甘草煎濃湯熱漱頻吐 太陰口瘡甘草二  
寸白礬一粟大同嚼燕汁 發背癰疽李北  
海言神授奇秘甘草三大兩生搗篩末大麥  
麵九兩和勻取好酥少許入內下沸水搜如  
餅狀方圓大于瘡一分熱傳腫上以細片及  
故紙隔令通風冷則換之已成者膿水自出  
未成者腫便內消仍當喫黃芪粥為妙 又  
方甘草一大兩水炙搗碎水一大升浸之器  
上橫一小刀子露一宿平明以物攪令沫出  
去沫服之但是瘡腫發背皆效 諸般癰疽  
甘草三兩微炙切酒一斗浸瓶中黑鉛一片  
溶成汁投酒取出如此九度令病者飲酒至  
醉寢後即愈 一切癰疽諸瘡預服能消腫

逐毒使毒不內攻功效不可具述用大橫文  
粉草二片槌碎河水浸一宿揉取濃汁再以  
密絹過銀石器內慢火熬成膏以磁罐收之  
每服一二匙無灰酒或白湯下曾服丹藥者  
亦解微利無妨 癰疽秘塞生甘草二錢半  
井水煎服能疏導下惡物 乳癰初起炙甘  
草二錢新水煎服仍令人啞之 些小癰癩  
發熱時即用粉草節晒乾為末熱酒服一二  
錢連進數服痛熱皆止 痘瘡煩渴粉甘草  
炙苦萋根等分水煎服甘草能通血脉發瘡  
痘也 陰下懸癰生于穀道前後初發如松  
子大漸如蓮子數十日後赤腫如桃李成膿  
即破破則難愈用橫生甘草一兩四寸截斷  
以溪澗長流水一盃河水井水不用以文武  
火慢慢蘸水炙之日早至午令水盡為度劈  
開視之中心水潤乃止細剉用無灰好酒二

小盃煎至一盃溫服次日再服可保無虞二十日方得消盡與化守康朝瘡已破眾醫拱手服此兩劑即合口陰頭上生瘡蜜煎甘草末頻塗之神効 陰下溼癢甘草煎湯日洗三五度代指腫痛甘草煎湯漬之 坐馬癱大粉草四兩擘開將河水九次炙乾以不枯為妙後將河水約十椀煎至二椀服之即愈凍瘡發裂甘草煎湯洗次以黃連黃蘗黃芩末入輕粉麻油調傳 湯火瘡甘草煎蜜塗蠱毒藥毒甘草節以真麻油浸之年久愈妙每用嚼嚙或水煎服神妙 小兒中蠱欲死甘草半兩水一盞煎五分服當吐出牛馬肉毒甘草煮濃汁飲一二升或煎酒服取吐或下如渴忌飲水飲即死 飲饌中毒急煎甘草薺泥湯入口便活水菖若毒甘草煮汁服即解 胎動下血甘草同

芎麻根搗汁碗許加砂仁末三錢服之即安

艾一名醫草一名冰臺一名黃草一名艾蒿處

處有之宋時以湯陰複道者為佳近代湯陰者謂之北艾四明者謂之海艾自成化以來惟以蘄州者為勝謂之蘄艾相傳蘄州白家山產艾置寸板上炙之氣徹于背他山艾徹五湯陰艾僅三分以故世皆重之此草宿根二月生苗成叢莖白色直上高四五尺葉四

葉中有水  
莖葉光  
而圓有毒  
誤食令人  
狂亂若中  
風或作吐  
削冰令圓  
舉向日以  
照艾承其  
影可得火  
故名冰臺

布狀如蒿分五尖極上復有小尖面青背白  
有茸而柔厚苦而辛生則溫熟則熱七八月  
葉間出穗如車前穗細花結實纍纍盈枝中  
有細子霜後始枯皆以五月五日連莖刈取  
曝乾收葉以炙百病凡用艾陳久者良治令  
細軟謂之熟艾若生艾炙火傷人肌脉故孟  
子曰七年之病求三年之艾五月五日採艾  
爲人懸之戶上可禳毒氣其莖乾之涂麻油

引火點灸滋潤灸瘡不痛又可代著草作燭

心

○製用

揀取淨葉揚去塵屑石臼內木杵搗熟  
羅去渣滓取白者再搗至柔爛如綿爲  
度用火焙燥則炙火得力入丸散將熟艾用  
醋煮乾搗成餅烘乾再搗爲末用容齋隨筆  
云搗艾難着力若入白茯苓三五片同礱卽  
時可成細末亦一異也 春月採嫩艾可作  
菜食或和麵作餛飩吞三五枚以飯壓之治  
一切鬼惡氣及止冷痢 積三年後燒津液  
下流成鉛錫張茂先云曾試之有驗  
附聞雀欲奪燕巢銜艾其中燕輒去

○療治

瘟疫頭痛吐熱脉盛乾艾葉三升水一  
十煮一升頓服取汗 妊娠風寒吐熱

赤斑變為黑斑溺血艾葉如雞子大酒三升  
 煮二升半分二服 妊娠風寒卒中不省人  
 事狀如中風熟艾三兩米醋炒極熱以絹包  
 熨臍下良久即甦 中風口喎以葦筒長五  
 寸一頭刺入耳內四面以麩密封不透風一  
 頭以艾灸七壯患右灸左患左灸右 中風  
 口噤熟艾炙承漿一穴頰車二穴各五壯  
 中風掣痛不仁不隨並以乾艾揉團納瓦甑  
 中並下塞諸口獨留一目以痛處著甑目而  
 燒艾薰之一時即知 古縮口噤生艾搗傳  
 之乾艾浸溼亦可 咽喉腫痛嫩艾搗汁細  
 嚥之又方用青艾和莖葉一握同醋搗爛傳  
 于喉上冬月取乾艾亦得 癰癩諸風熟艾  
 於陰囊下穀道正門當中間隨年歲灸之  
 鬼擊中惡卒然著人如刀刺狀胸脇腹內刺  
 痛不可按或即吐血鼻中出血下血一名鬼

排熟艾如雞子大三枚水五升煎二升頓服  
 小兒臍風撮口艾葉燒灰填臍中以帛縛  
 定效或隔蒜灸之喉口中有艾氣立愈 狐  
 惑蠱慝病人齒無色舌上白或喜睡不知痛  
 痒處或下痢宜急治下部不曉此者但攻其  
 上而下部生虫食其肛爛見五臟便死燒艾  
 於管中熏下部令烟入或少加雄黃更妙罌  
 中燒烟亦可 頭風久痛斬艾揉為丸時時  
 嗅之以黃水出為度 頭風面瘡痒出黃水  
 艾二兩醋一升砂鍋煎取汁每薄紙上貼之  
 一日二上 心腹惡氣艾葉搗汁飲 脾胃  
 冷痛白艾末沸湯服二錢 虱蟲心痛如刺  
 口吐清水白熟艾一升水三升煮一升服吐  
 蟲出或取生艾搗汁五更食香蒲一片乃飲  
 一升當下蟲出 霍亂吐下不止以艾一把  
 水二升煎一升頓服 老少白痢陳北艾四

兩乾薑炮三兩為末醋煮倉米和九梧子大  
每服七十九空心米飲下奇効 諸痢久下  
艾葉陳皮等分煎湯服亦可為末酒煮爛飯  
和丸鹽湯下二三十丸 暴泄不止陳艾一  
把生姜一塊水煎熱服 糞後下血艾葉生  
姜煎濃汁服三合 野雞痔先以槐柳湯洗  
艾炙七壯效郎中王及病痔大如胡瓜貫于  
腸頭其熱如火忽僵卧無計有主郵者告以  
上法灸三五壯忽覺熱氣入腸中因大轉瀉  
血穢併出瀉後疾如失 婦人漏下或半產  
後下血不絕或妊娠下血並宜膠艾湯阿膠  
二兩艾葉三兩芎藭甘草各二兩當歸地黃  
各三兩芍藥四兩水五升清酒五升煮三升  
納膠令消盡每溫酒一升日三服 妊娠胎  
動或腰痛或捨心或下血不止或倒產或子  
死腹中艾葉一雞子大酒四升煮二升分二

服 胎動心痛艾葉雞子大以頭醋四升煎  
二分分溫服 婦人崩中不止煎艾雞子大  
阿膠炒為末半兩乾姜一錢水五盞先煮艾  
薑至二盞半傾出入膠烊化分三服一日服  
盡 產後瀉血不止乾艾葉半兩炙熟老生  
薑半兩濃煎湯一服立效 產後腹痛欲死  
因感寒起者陳蘄艾二斤焙乾搗鋪臍上以  
絹覆住熨斗熨之待口中文氣出痛自止  
忽然吐血一二口或心衄或內崩熟艾三團  
水五升煮二升服一方燒灰水服二錢 鼻  
血不止煎艾二錢白茯苓三錢烏梅三箇水一  
鍾煎入分臨卧溫服 火眼腫痛以艾燒烟  
起盃覆之候烟盡盃上刮煤下以溫水調化  
洗眼即瘥入黃連尤佳 面上疔黯艾灰桑  
灰各三升以水淋汁再淋至三遍以五色布

納于中同煎令可丸時每以少許傳之自爛  
脫甚妙 婦人面瘡名粉花瘡以定粉五錢  
菜子油調泥盤內用艾一二團燒烟熏之候  
烟盡覆地上一夜取出調搽永無痕痕亦易  
生肉 身面疔日艾火灸三壯即除 鷲掌  
風斬艾真者四五兩水四五盃煮五六滾入  
大口瓶內縛以麻布二層將手心放上熏冷  
再熱如神 小兒疳瘡艾葉一兩水一升煮  
取四合服 小兒爛瘡艾葉燒灰傳之良  
臈瘡口冷不合熟艾燒烟熏之 白癩風乾  
艾隨多少以浸麴釀酒如常法日飲之即瘥  
疔瘡腫毒艾蒿一擔燒灰於竹筒中淋取  
汁以一二合和石灰如糊先以針刺瘡至痛  
乃點藥三遍其根自拔用治三十餘人神効  
發背初起未成及諸熱腫以溼紙揭上先  
乾處是頭着艾灸之不論壯數痛者灸至不

痛不痛者灸至痛乃止其毒即散不散亦免  
內攻神方也 癰疽不合瘡口冷滯以北艾  
煎湯洗後白膠香熏之 咽喉骨鯁生艾蒿  
數升水酒共一斗煮四升細細飲之當下  
誤吞銅錢艾蒿一把水五升煎一升頓服便  
下 諸蟲蛇傷艾灸數壯甚良 風蟲牙痛  
化蠟少許攤紙上鋪艾以筋卷成筒燒烟隨  
左右熏鼻令烟滿口呵氣即疼止腫消斲季  
謙病此月  
餘試即愈

○典故 宗則文常以五月五日未雞鳴時採艾  
見似人處擾而取灸輒驗 荆楚歲時記

○麗藻詩五言 艾葉成人後 栖花  
結子初 章簡公

黃耆 一名黃芪 一名艾草 一名蜀脂 一名百本

耆長也色  
黃為百藥



一名獨椹一名戴椹一名戴糝葉扶疎作羊  
之長故名今俗作芪

齒狀似槐葉而微尖小又似蒺藜而微濶大

青白色開黃紫花大如槐花結小尖角長寸

許獨莖或作叢生枝幹去地二三寸根長二

三尺以緊實如箭幹者良甘微溫無毒隴西

者溫補白水者冷補赤色者作膏消癰腫其

皮折之如綿出綿上故名綿黃耆有白水耆

赤水耆木耆功用並同而赤水木耆少劣又

綿上山西沁州白水陝西同州

有以首蓿根假作者黃耆之功有五補諸虛

不足一也益元氣二也壯脾胃三也去肌熱

四也排膿止痛活血生血內托陰疽為瘡家

聖藥五也治氣虛盜汗自汗及膚痛是皮表

之藥治咯血柔脾胃是中州之藥治傷寒尺

脉不至補腎臟元氣是裏藥乃上中下內外

三焦之藥也苗嫩時亦可燎淘作茹食收其

子十月種如種菜法

首蓿根假而脆亦名土黃芪能令人瘦黃芪柔韌皮微黃褐色肉白能令人肥宜辯

○製用 凡使勿用木耆草形相似但葉短根橫綿者則否須去頭上皺皮槌扁蜜水塗

灸數次以透為度

○療治 小便不通棉黃耆二錢水二盞煎一盞溫服小兒減半 酒疸心下懊痛足脛

滿小便黃飲酒發赤黑黃斑由大醉當風入水所致黃耆二兩木蘭一兩為末酒服方寸七日三 氣虛白濁黃耆鹽炒半兩茯苓一兩為末每服一錢白湯下 男子婦人諸虛不足煩悸焦渴面色萎黃不能飲食或先渴而後發瘡癰或先癰疽而後發渴並宜常服此藥平補氣血安和臟腑終身可免癰疽之疾綿黃耆箭藪者去蘆六兩一半生焙一半以鹽水潤溼飯上蒸三次焙剉粉甘草一兩一半生用一半灸黃耆為末每服二錢白湯點

服早午各一服亦可煎服 老人閱寒綿黃耆陳皮去白各半兩為末每服三錢大麻子一合研爛以水濾漿煎至乳起入白蜜一匙再煎沸調藥空心服甚者不過二服此藥不冷不熱常服無秘塞之患其効如神 腸風瀉血黃耆黃連等分為末麵糊丸綠豆大每服三十丸水飲下 尿血沙淋痛不可忍黃耆人參等分為末以大蘿蔔一箇切一指厚大四五片蜜二兩淹灸令盡不令焦點湯食無時鹽湯下 吐血不止黃耆二錢半紫背浮萍五錢為末每服一錢姜蜜水下 欬嗽膿血咽乾乃虛中有熱不可服涼藥以好黃耆四兩甘草一兩為末每湯點服二錢 肺癰得吐黃耆二兩為末每服二錢水一中盞煎至六分 服日三 甲疽瘡膿生足趾甲邊赤肉突 時常舉發者黃耆二兩藺茹一

兩醋浸一宿以猪脂五合微火上煎取二合絞去滓以封瘡口上日二其內自消胎動腹痛下黃汁黃耆川芎藟各一兩糯米一合水一升煎半升分服陰汗溼痒綿黃耆酒炒為末以熟猪心點奧妙痒疽內固黃耆人參各一兩為末入真龍腦一錢用生藕汁和丸綠豆大每服二十九溫水下日日服諸虛自汗夜卧即甚久則枯瘦黃芪麻黃根各一兩牡蠣米泔浸洗煨過為散每服五錢水二盞小麥百粒煎服虛汗無度麻黃根黃芪等分為末飛麩和作丸梧子大每用浮麥湯下百丸以止為度產後虛汗黃芪當歸各一兩黃根三兩每服一兩煎湯下

○典故

陳柳太后病風不能言脉沉口噤許胤宗曰既不能下藥宜湯氣蒸之藥入腠

裏周時可瘥乃造防風貢香湯數斛置床下氣如烟霧其夕便得語蓋防風能製黃耆黃耆得防風其功愈大乃相畏而相使也李杲治小兒胃虛成慢驚者云用益黃理中之藥必損人命當於心經中以甘溫補土之本更於脾土中以甘寒瀉火以酸涼補金使金旺火衰風木自平因立黃耆湯瀉火補金益土為神治之法灸黃耆二錢人參一錢灸草白芍各五分水一大鍾煎半溫服

人參

一名人漫一名血參一名黃參一名神草

一名地精一名土精一名人街一名鬼蓋一名海腴一名皴面還丹參類有五以五色配

五臟人參入脾曰黃參沙參入肺曰白參玄  
參入腎曰黑參牡蒙入肝曰紫參丹參入心  
曰赤參其苦參則右腎命門之藥也參以上  
黨爲佳今不復采邇來所用皆遼參高麗參  
大抵人參春生苗多於深山背陰椴漆樹下  
潤溼處初生小者三四寸許一椴五葉四五  
年後兩椴五葉未有花莖十年後生三椴年  
深者生四椴各五葉中心生一莖俗名百尺

杵三四月有花細小如粟蕊如絲紫白色秋  
後結子七八枚如大豆生青熟紅自落泰山  
出者葉幹青根白江淮出者形味皆如桔梗  
欲試上黨參使二人急走三五里一舍參一  
空口其舍參者不喘乃真也遼參連皮者黃  
潤纖長色如防風去皮者堅白如粉秋冬采  
者堅實春夏采者虛軟高麗參類雞腿者力  
大僞者皆以沙參薺范桔梗造作亂之沙參

體虛無心而味淡薺范體虛無心桔梗體堅  
有心而味苦人參體實有心而味甘微帶苦  
自有餘味俗名金井玉闌干者是也性無毒  
調中開胃補五臟安精神定冤鬼止驚悸通  
血脉主五勞七傷男婦一切虛損痰弱虛促  
短氣止渴生津及胎前產後諸病其有年足  
面目似人形者更神結而假偽者尤多

○種植 子熟時收取於十月下種一如種菜  
法若春初生苗時稜根種之亦可活

○收藏 人參易蛀見風日尤易蛀惟納新器中  
密封可經年不壞又盛過麻油磁器泡  
淨烘乾入華陰細辛相間收之可  
久又用淋過竈灰晒乾罐收亦可

○附錄沙參 一名羊乳一名羊婆奶一名虎鬚  
一名苦心一名文布一名識美色  
白味淡種宜沙地二月生苗葉如初生小葵  
葉而圓扁不光莖高一二尺葉尖長如枸杞  
葉而小有細齒秋月葉間開小紫花如鈴五  
出白蕊亦有白花者結實如冬青實中有細  
子霜後苗枯根生沙地者長尺餘大一虎口  
黃土地者短而小根莖皆有白汁八九月採  
者白而實春採者微黃而虛味苦微寒無毒  
人參專補脾胃元氣因而益肺與腎內傷元  
氣者宜之沙參專補肺氣因而益脾與腎金  
受火剋者宜之一補陽而生陰一補陰而制

陽玄參 一名鹿腸 一名馥草 一名玄臺 一名重臺 一名正馬 一名逐馬 一名鬼藏

一名野芝麻 宿根二月生 苗葉似芝麻 對生 又如槐柳而尖長 有鉅齒細莖 青紫色 七月 開花青碧色 八月結子黑色 又有白花者 莖 方大紫赤色 有細毛 有節若竹者 高五六尺 一根五七枚 微有腥氣 地蚕喜食之 故其中 空味苦微寒 無毒 治胸中氤氳之氣 無根之 火大 凡腎水受傷 真陽失守 孤陽無根 發為 火病 宜壯水以制火 故玄參與地黃同功 其 消癭 瘰 癧 解癰 毒 紫參 一名牡蒙 一名童腸 一 亦以散火之故 名馬行 一名衆戎 一名 五鳥花 苗長一二尺 莖青而細 葉青似槐 亦 有似羊蹄者 五月開白花 絕似蔥花 亦有紫 紅似水荳者 根淡紫黑如地黃 肉紅白 肉淺 皮深 三月採根 火炙 用味苦寒 無毒 治諸血

病及寒熱瘧痢 癰腫積塊之屬 丹參 一名山參 一名祁蟬草 一名木羊乳 一名奔馬

草二月生 苗高尺許 莖方有稜 青色 一枝五 葉相對如薄荷 而有毛 三月至九月開花 紅 紫似蘇花 成穗 中有細子 根大者如指 長尺 餘一苗數根 皮丹而肉紫 味苦微寒 無毒 破 宿血 補新血 安生胎 落死胎 止崩中 帶下 破 癰除 瘰 排膿 止痛 婦人明理論云 四物湯治 婦人諸病 調婦人經脈 皆可 通用一味 丹參 散與之 同功

○辨訛薺芫 一名杏參 一名杏葉沙參 一名芪 芫 一名甜桔梗 一名白麩根 一名

隱忍苗高一二尺 莖青白 葉似杏葉 小而微 尖背白 邊有叉牙 杪間開五瓣 白盃子花 根 如野葫蘆 蕾頗肥 皮色灰黝 中間白毛 亦有 開碧花者 嫩苗 燂 水淘 可油 鹽 拌 食 根 換

水煮亦可食又可蜜煎味甘寒無毒解百藥  
毒殺蠱毒壓丹石發動晉毒箭治蛇咬辟沙  
蝨短狐毒寒而利肺甘而解毒藥中  
良品也語云薺菀亂人參故詳著之

○製用

正旦未明佩紫赤囊中盛人參木香如  
豆樣時時嚼吞日出乃止號迎年佩

○療治

浸透入銀石器內桑柴火緩煎取十盞  
濾汁再以水十盞煎取五盞與前汁合煎成  
膏瓶收隨病作湯使多慾之人腎氣衰憊欬  
嗽不止生姜橘皮煎湯化服 癰疽潰後氣  
血俱虛嘔逆不食變證不一者以參耆歸朮  
等分煎膏服妙 胸痺心中痞堅留氣結胸  
胸滿脇下逆氣捨心人參朮乾姜甘草各三  
兩水八升煮三升每服一升日三隨證加減  
此方自晉宋以後至唐各醫治心腹病者用

之皆有奇効陶隱居百一方云霍亂餘藥或  
難求而治中方四順湯厚朴湯不可暫缺常  
須預合自隨王方慶云數方不惟霍亂可醫  
諸病皆療四順湯用甘草人參乾姜附子炮  
各二兩水六升煎二升半分四服 四君子  
湯治脾胃氣虛不思飲食諸氣虛者以此為  
主人參一錢白朮二錢白茯苓一錢炙甘草  
五分姜三片棗一枚水二鍾煎一鍾食前溫  
服隨証加減 開胃化痰不思飲食不拘大  
人小兒人參焙二兩半夏姜汁浸焙五錢為  
末飛羅麩作糊丸綠豆大食後姜湯下三五  
十九日三加陳橘皮五錢 胃寒氣滿不能  
傳化易飢不能食人參末二錢生附子末半  
錢生姜二錢水七合煎二合雞子清一枚打  
轉空心服 脾胃虛弱不思飲食生薑半斤  
取汁白蜜十兩人參末四兩銀鍋煎成膏每

米飲調服一匙 胃虛惡心或嘔吐有痰人  
 參一兩水二盞煎一盞入竹瀝一盃姜汁三  
 匙食遠溫服以知為度老人尤宜 胃寒嘔  
 惡不能腐熟水穀食即嘔吐人參丁香藿香  
 各二錢半橘皮五錢生姜三片水二盞煎一  
 盞溫服 反胃嘔吐飲食入口即吐困弱無  
 力垂死者人參三大兩拍破水一大升煮取  
 四合熱服再人參汁入粟米雞子白薤白煮  
 粥與噉李直方司勳於漢南患此兩月餘諸  
 方不瘥服此方當時便定後十餘日遂入京  
 此藥真難可與儔也 食入即吐人參一兩  
 半夏一兩五錢生姜十片水一斗以杓揚二  
 百四十遍取三升入白蜜三合煮一升半分  
 服 霍亂嘔惡人參二兩水一盞半煎汁一  
 盞入雞子白一枚仍再煎溫服一加丁香  
 霍亂煩悶人參五錢桂心半錢水二盞煎服

霍亂吐瀉煩燥不止參二兩橘皮三兩生  
 姜一兩水六升煮三升分三服 妊娠吐水  
 酸心腹痛不能飲食人參乾姜炮等分為末  
 生地黃汁和丸梧子大每服五十九丸米湯下  
 陽虛氣喘自汗盜汗氣短頭暈人參五錢  
 煎附子一兩分作四帖每帖以生姜十片流  
 水二盞煎一盞食遠溫服 喘急欲絕人參  
 末湯服方寸七日五六服効 產後發喘乃  
 血入肺竅危症也蘇木二兩水二盞煮汁一  
 盃調參末一兩服神効 產後血暈人參一  
 兩紫蘇半兩童便酒水三合煎服 產後不  
 語人參石菖蒲石蓮肉等分每五錢水煎服  
 產後諸虛發熱自汗人參當歸等分為末  
 猪腰子一箇去膜切小片以水三升糯米半  
 合葱白二莖煮米熟取汁一盞入藥煎至八  
 分食前溫服 產後秘塞出血多以人參麻



子仁枳殼麩炒為末煉蜜丸梧子大每服五  
 十九丸米飲下 橫生倒產人參乳香末各一  
 錢丹砂五分研勻雞子白一枚入生姜自然  
 汁三匙攪勻冷服母子俱安神效 開心益  
 智人參末一兩鍊成積猪肥肪十兩淳酒和  
 勻每服一盃日再服服至百日耳目聰明骨  
 髓克盈肌膚潤澤日記千言兼去風熱痰病  
 怔忡自汗心氣不足也人參當歸各半兩  
 積猪腰子二箇水二盃煮至一盃半取腰子  
 細切參歸同煎至八分空心喫腰子以汁送  
 下其滓焙乾為末山藥末糊丸綠豆大每服  
 五十九丸食遠棗湯下兩服即愈一加乳香二  
 錢 凡心下硬按之則無常覺膨滿多食則  
 吐氣引前後噫呃不除由思慮過多氣不時  
 行則滯謂之結氣人參一兩橘皮去白皮四  
 兩為末煉蜜丸梧子大每米飲下五六十丸

每服三十九丸白湯下 白濁夢遺半夏二兩  
 洗十次切破以木香猪苓二兩同炒黃出火  
 毒去猪苓入煨過牡蠣一兩以山藥糊丸梧  
 子大每服三十九丸茯苓湯送下腎氣閉而一  
 身精氣無所管揖妄行而遺者宜用此方蓋  
 半夏有利性猪苓導水使腎氣通也與下元  
 虛憊者不同 八般頭風半夏末入百草霜  
 少許作紙撚燒烟就鼻內嚙之口中含水有  
 涎吐去再含見效 少陰咽痛生瘡不能言  
 語聲不出半夏七枚打碎雞子一枚頭開一  
 竅去黃納苦酒令小滿入半夏在內以鑲子  
 坐于炭火上煎三沸去滓置杯中時時嚙之  
 極驗未瘥更作 喉痺腫塞生半夏末嚙鼻  
 內涎出効 骨哽在咽半夏白芷等分為末  
 水服方寸七當嘔出忌羊肉 重舌木舌脹  
 大塞口半夏煎醋含漱之又方半夏二十枚

水煮過再泡片時乘熱以酒一升浸之密封  
 良久熱漱冷吐之 小兒 陷乃冷也水調  
 半夏末塗足心 面上黑氣半夏焙研米醋  
 調敷不可見風不計遍敷從早至晚如此三  
 日皂角湯洗下面瑩如玉 癩風眉落生半  
 夏羊屎燒焦等分為末自然姜汁日調塗  
 盤腸生產子腸不收者半夏末頻啗鼻中則  
 上 產後暈絕半夏末冷水和丸大豆大納  
 入鼻中即愈 小兒驚風生半夏一錢皂角  
 半錢為末吹少許入鼻即甦 卒死不寤半  
 夏末吹鼻中即活 五絕急病一曰自縊二  
 曰墻壓三曰溺水四曰鬼魅五曰產乳並以  
 半夏末納豆大一丸入鼻中心溫者一日可  
 活 癰疽發背及乳瘡半夏末雞子白調塗  
 之 吹乳腫痛半夏一個煨研酒照立愈一  
 方以末隨左右嚙鼻効 打撲瘀痕水調半

齒縫出血人參赤茯苓麥門冬各二錢水一  
 鍾煎七分食前溫服日再蘇東坡得此自謂  
 神奇累試累驗 陰虛尿血及沙石淋人參  
 焙黃耆鹽水炙等分為末用紅皮大蘿蔔一  
 枚切作四片以蜜二兩將蘿蔔逐片蘸炙令  
 乾再炙勿令焦以蜜盡為度每用一片蘸藥  
 食鹽湯送下以瘥為度 消渴引飲人參為  
 末雞子清調服一錢日三四服一方用人參  
 苦萇根等分生研為末煉蜜丸梧子大每服  
 百丸食前麥冬湯下日二服忌酒麪炙燻  
 一方人參一兩粉草二兩雄豬膽汁浸炙腦  
 子半錢為末蜜丸芡子大每嚼一丸冷水下  
 一方人參一兩葛粉二兩為末發時以持猪  
 湯一升入藥三錢蜜三兩慢火熬至三合狀  
 如黑錫以瓶收之每夜以一匙含嚙不過三  
 服取效 虛瘡發熱人參二錢二分雄黃五

錢爲末端午日用粽尖搗九梧子大發日侵  
辰井花水吞下七丸發前再服忌諸般熱物  
立効一方加神麩等分冷痢厥逆六脉沉  
細人參大附子各一兩半每服半兩生薑十  
片丁香十五粒粳米一撮水二盞煎七分空  
心温服下痢噤口人參蓮肉各三錢以井  
華水二盞煎一盞細細呷之或加姜汁炒黃  
連三錢老人虛痢不止不能飲食上黨人  
參一兩鹿角去皮炒研五錢爲末每服方寸  
匕米湯調下日三傷寒壞證凡傷寒時疫  
不問陰陽老幼妊婦誤服藥餌困重垂死脉  
沈伏不省人事七日以後皆可服之百不失  
一此名奪命散人參一兩水二鍾緊火煎一  
鍾以井水浸冷服之少頃鼻梁有汗出脉復  
立瘥蘇轡光侍郎用此救數十人傷寒厥  
逆身有微熱煩燥六脉沉細微弱此陰極發

燥也人參半兩水一鍾煎七分調牛膽南星  
末二錢熱服立甦夾陰傷寒慾事後感寒  
邪陽衰陰盛六脉沉伏小腸絞痛四肢逆冷  
嘔吐清水不假此藥無以回陽人參乾姜炮  
各一兩生附子一枚破作八片水四升半煎  
一升頓服脉出身温卽愈筋骨風痛人參  
四兩酒浸三日晒乾土茯苓一斤山慈姑一  
兩爲末煉蜜丸梧子大每服百丸食前湯  
下小兒風癩癰瘰人參蛤粉辰砂等爲  
末狼猪心血和丸綠豆大每服五十九銀  
湯下一日二服神効小兒驚後瞳人不正  
者人參阿膠糯米炒成珠各一錢六一盞煎  
七分温服日再服効小兒痺風人參冬瓜  
仁各半兩南星一兩漿水煮過爲末每用一  
錢水半盞煎三分温服狗咬風傷腫痛人  
參置桑柴炭上燒存性以盃覆定少頃爲末

羊芳譜 卷一 藥譜 三一

摻之瘥 蜈蚣咬及蜂螫傷嚼人參傅之  
 脇破腸出急以油抹入煎人參枸杞汁淋  
 之內喫羊腎粥十餘日愈 肺熱欬嗽沙參  
 半兩水煎服 卒得疝氣小腹及陰中相引  
 痛如絞白汗出欲死者沙參搗篩為末酒服  
 方寸匕立瘥 婦人白帶多因七情內傷或  
 下元虛冷所致沙參為末每服二錢米飲調  
 下 諸毒鼠瘦玄參浸清酒日日飲之 年  
 久癰瘰生玄參搗傅日日易之 赤脉貫瞳  
 玄參為末以米泔煮肝日日蘸食 發狂咽  
 痛玄參升麻甘草各半兩水三盞煎一盞半  
 溫服 急喉痺風不拘大人小兒玄參鼠粘  
 子半生半炒各一兩為末新水服一盞立瘥  
 鼻中生瘡玄參末塗或以水浸軟塞之  
 三焦積熱玄參黃連大黃各一兩為末煉蜜  
 丸桐子大每服三五十九白湯下小兒丸粟

米大 小腸疝氣黑參咬咀炒為丸每服一  
 錢空心酒服出汗即效 燒香治勞玄參一  
 斤甘松六兩為末和勻入瓶中封固煮一伏  
 時破瓶取出搗入煉蜜一斤別以瓶盛理地  
 中窸五日取出燒之常令聞香疾自愈亦可  
 熏衣 玄參忌犯銀器餌之噎喉喪目 經  
 脉不調或前或後或多或少或產前胎不安產  
 後惡血不下兼治冷熱勞腰脊痛骨節煩疼  
 丹參洗淨切碎為末每服二錢溫酒調下  
 落胎下血丹參十一兩酒五升煮三升溫服  
 一升一日三服亦可水煮 寒疝小腹陰中  
 相引痛白汗出欲死丹參一兩為末每服二  
 錢熱酒調下 小兒身熱汗出拘急固中風  
 起丹參半兩鼠屎炒三十枚為末每服二錢  
 漿水下 驚癇發熱丹參雷丸各半兩猪膏  
 二兩同煎七上七下濾去滓盛之摩兒身日

三次 婦人乳癰丹參白芷芍藥各一兩咬咀以醋淹一夜猪脂半斤微火煎成膏去滓傳之 熱油火灼丹參八兩剉以水微調取羊脂二斤煎三上三下塗之 丹參治風軟脚可及奔馬曾用實有効 治痢紫參半斤水五升煎二升入甘草二兩煎取半升分三服 吐血不止紫參人參阿膠炒等分爲末烏梅湯服一錢一方去人參加甘草以糯米湯服 酒刺紫參丹參人參沙參各一兩爲末胡桃仁杵和丸桐子大每服三十九茶下 強中之病莖堅硬不交精液自出消渴之後卽發癰疽皆繇恣意色慾抑或餌金石所致宜此以制腎熱川猪腎一其薺菀石膏各三兩人參茯苓磁石知母葛根黃芩栝樓根甘草各二兩黑豆一升水一斗半先煮猪腎大豆取汁一斗去滓下藥再煮三升分三

服 薺菀丸 薺菀大豆茯神磁石苦萸根熟地黃地骨皮玄參石斛鹿茸各一兩人參沉香各半兩爲末以猪肚治淨煮爛杵和丸梧子大每服七十九空心鹽湯下 丁瘡腫毒生薺菀根搗汁服一合以滓傳之不過二服面上疔炮薺菀肉桂各一兩爲末每服方寸七醉漿服之日一服又滅癩瘡 鈎吻葉與芹葉相似誤食之殺人惟以薺菀八兩水六升煮取三升每服五合日五服 解五石毒薺菀生搗汁多服立効

○典故 搖光星散而爲人參人君廢山瀆之利則搖光不明人參不生 春秋運斗樞 下有人參上有紫氣 禮斗威儀 隋文帝時上黨有人宅後每夜聞人呼聲求之不得去宅一里許見人參枝葉易常掘之入地五尺得人參一株如人四肢畢備呼聲遂絕 廣五

**行記** 浦江鄭某五月患痢又犯房室忽昏  
 暈不知人事手撒目暗自汗如雨喉中痰如  
 拽鋸小便遺失脉大無倫此陰虧陽絕之症  
 也急煎人參膏仍與灸氣海十八壯右手能  
 動口微動遂與膏服一盞半夜服三盞能動  
 盡三斤方能言索粥盡五斤痢止至十斤全  
 安若作風治則誤矣 一人背疽用內托藥  
 已多膿出作嘔發熱六脉沉數有力此潰瘍  
 所忌也與大料人參膏入竹瀝飲之參盡一  
 十六斤竹伐百餘竿而安後旬餘受大驚瘡  
 起有膿中有紅線一道過肩胛抵右肋急作  
 參膏以芎歸橘皮湯入竹瀝姜汁飲之盡三  
 斤而瘡潰調理乃安 一人形實好飲熱酒  
 忽病目盲而脉濇此熱酒傷胃汚血死其中  
 而然以蘇木煎湯調人參末服數日而愈  
 一婦嗜酒胸生一疽脉緊而濇用酒炒人參

平音戶  
 芭音起

**地黃**

酒炒大黃等分為末姜湯服一錢得睡汗出  
 而愈 一小兒七歲聞雷即昏倒不知人事  
 此氣怯也人參當歸麥門冬各二兩五味子  
 五錢水一斗煎汁五升再以水五升煎滓取  
 汁二升合煎成膏每服三匙白湯化下服盡  
 一斤後聞雷自若 有人卧則覺身外有身  
 一樣但不語此由肝虛邪襲竟不歸舍名曰  
 離竟用人參龍齒赤伏苓各一錢水一盞煎  
 半盞調飛過朱砂末一錢睡時服一  
 夜一服三夜後真者氣爽假者即化

一名地髓 一名芩 一名芭 一名牛妳子 一  
 名婆婆妳處處有之河南懷慶者佳二月生  
 莖有細短白毛葉布地深青色似小芥葉而

人卧則神  
 布于肝

厚不又了上有皺文毛濇不光高者尺餘低者三四寸摘其傍葉作菜甚益人開小筒子花似油麻花但有斑點紅紫色亦有黃者實作房如蓮翹子如小麥褐色根黃如胡蘿蔔粗細長短不一根入土即生宜肥地虛則根大而多汁正九月採根生地曝乾熟地蒸晒忌銅鐵器令人腎消髮白男損營女損衛薑汁浸則不泥膈又宜酒製鮮用則寒初出土者乾

用則涼

即今生地

生地生血熟地養血生者以水

浸之沉者為地黃半沉者為人黃浮者為天黃入藥沉者佳半沉者次浮者不堪

○種植

宜沙軟地先於十二月耕熟至正月細耜三四遍然後作溝濶二尺兩溝作一

畦濶四尺其畦微高而平硬甚不受水三月初種苗未生時得水即爛畦中又撥作溝深三寸取地黃切長二寸種於溝內以熟糞土蓋厚三寸許每一畝用根五十斤蓋土訖即取經冬爛草覆之候芽稍出以火燒其草令燒去其苗再生葉肥茂根益壯自春至秋凡五六耘不得鋤一年後滿畦宿根採訖還生八月堪採根若不採其根太盛春二月宜出

之若秋採訖至春不復更種其生者猶得三  
四年但採訖比至明年耨耘而已神隱云參  
驗古法此為最良按本草二八月採殊未窮  
物性也不如冬月採妙又蒸晒相宜也欲食  
其葉但露散後摘取旁葉勿損  
中心正葉秋收其花可充冬用

○製用

掘出洗淨肥大沉水者簡出將簡下瘦  
小者搗汁入好酒並縮砂仁末拌勻浸

肥地令透用砂鍋柳甑蒸令氣透眼乾再浸  
再蒸如此九次蓋地黃性泥得砂仁之香竄  
和五臟冲和之氣喘宿  
丹田故無泥膈之患

○療治

固齒烏鬚生津其功極妙地黃五斤柳  
水甑內以土蓋上蒸熟晒乾如此三次

搗為小餅每噉嚙一枚 欬嗽吐血勞瘦骨  
蒸日晚寒熱煮白粥臨熟入生地黃汁三合

攪勻空心食 吐血欬嗽熟地黃末酒服一  
錢日三 肺損吐血或舌上有孔血出生地  
黃八兩取汁童便五合同煎熟入鹿角膠炒  
研一兩分三服 初生便血小兒初生七八  
日大小便血出乃熱傳心肺不可服涼藥只  
以生地黃汁五七匙酒半匙蜜半匙和服之  
小便尿血吐血及耳鼻出血生地黃汁半  
升生姜汁半合蜜一合和服 小便血淋生  
地黃汁車前葉汁各三合煎服 疔腫乳癰  
地黃搗敷之熱即易神效 一切癰疽及打  
撲傷損破疼痛者生地黃杵如泥攤在上糝  
木香末于中又攤地黃泥一重貼之不過五  
度即內消 打撲損傷骨碎及筋傷爛用生  
地黃熬膏裹之以竹筒夾急縛勿令轉動一  
日一夕可十易之則瘥 昔許元公墮馬右  
臂曰脫左右急搓入口中昏迷不知痛苦急



召田錄事視之曰尚可救乃以上藥封腫處  
 中夜方甦達旦痛處已白日日換貼其瘀腫  
 移至肩背乃以藥下去黑血三升而愈  
 傷打撲瘀血在腹者用生地黄汁三升酒一  
 升半煮二升半分三服  
 胞腫痛重者目睛突出但目系未斷者即納  
 入急搗生地黄綿裹傳之仍避風以膏藥護  
 其四邊  
 睡起目赤血熱也卧則血歸於肝  
 故熱用生地黄汁浸粳米半升晒乾三浸三  
 晒每夜以米煮粥食一盞數日即愈  
 赤目生地黄薄切溫水浸貼  
 牙疳宣露膿  
 血口氣生地黄一斤搥二合搗和團以麩包  
 煨令烟斷去麩入麝一分研勻日夜貼之  
 牙齒挺長常咋生地黄極妙  
 耳中常鳴生  
 地黃截塞耳中日數易煨熟尤妙  
 鬚髮黃  
 赤生地黃一斤生薑半斤各洗研自然汁留

渣用不蛀皂角十條去皮弦蘸汁炙至汁盡  
 為度同渣入罐內泥同煨存性為末用鐵器  
 盛末三錢湯煎調停二日臨卧刷鬚髮上即  
 黑  
 竹木入肉生地嚼爛罨之  
 獾犬咬傷  
 地黃搗汁飯餅  
 塗之百度愈

○典故 韓子治用地黃苗喂五十歲老馬生三  
 駒又一百三十歲乃死 **抱朴子** 雉被

鷹傷銜地黃葉點  
 之即愈 **朝野僉載**

**木** 有兩種白朮抱薊也一名天蘇一名山姜一  
 名山連一名馬薊吳越之葉稍大而有毛根  
 如指大狀如鼓槌亦有大如拳者彼人剖開

曝乾謂之削朮亦曰片朮白而肥者浙朮瘦而黃者幕阜山朮浙朮刀勝味苦而甘性溫厚氣薄除溼益燥溫中補氣強脾胃生津液止胃中及肌膚熱解四肢困倦佐黃芩安胎清熱在氣主氣在血主血有汗則止無汗則發蒼朮山薊也一名山精一名仙朮一名赤朮處處山中有之苗高二三尺其葉抱莖而生葉似棠梨其脚下葉有三五皆有鋸齒小

刺根如老薑蒼黑色肉白有油膏以茅山嵩山者爲佳吐甘而辛烈性溫而燥除溼發汗健脾安胃治溼痰留飲驅災疹邪氣消痲癬氣塊婦人冷氣癥瘕山嵐瘴氣瘟疫總之二朮所治大略相近除溼解鬱發汗驅邪蒼朮爲要補中焦益胎元除脾胃消溼痰益脾白朮爲良

○種植 取其根栽之一年卽稠嫩苗可爲茹作飲甚甘香

○製用 白末以米泔浸一宿入藥一法東壁土炒用 蒼木性燥須糯米泔浸洗再換

泔浸二日浸去油去粗皮切片焙乾用亦有脂麻同炒以制其燥者

○療治 枳木丸消痞強胃久服令人食自不停

去麩一兩為末荷葉包飯燒熟搗和丸梧子大每服五十九丸白湯下氣滯加橘皮一兩有

火加黃連一兩有痰加半夏一兩有寒加乾姜五錢木香三錢有食加神麩麥蘖各五錢

枳木湯心下堅大如盤邊如旋盃水飲所作寒氣不足則手足厥逆腹滿脅鳴相逐陽

氣不通即水冷陰氣不通即骨疼陽前通則惡寒陰前通則痺不仁陰陽相得其氣乃行

大氣一轉其氣乃散實則失氣虛則遺尿名曰氣分宜此三之白木一兩枳實七箇水五

升煮三升分三服胸中軟即散 白木膏服食滋補止久泄痢上好白木十斤切片入瓦

鍋內水淹過二寸文武火煎至一半傾汁入器內以渣再煎如此三次乃取前後汁同熬

成膏入器中一夜傾去上面清水收之每服三二匙蜜湯調下 參木膏治一切脾胃虛

損益元氣白木一斤人參四兩切片以流水十五盃浸一夜桑柴文武火煎取濃汁熬膏

入煉蜜收之每以白湯點服 胸膈煩悶白木末水服方寸匕 心下有水白木三兩澤

瀉五兩水三升煎一升半分三服 五飲酒癖一畱飲水停心下二癖飲水在兩脇下三

痰飲水在胃中四溢飲水在五臟間五流飲水在腸間皆由飲食胃寒或飲茶過多致此

倍木丸用白木一兩乾姜炮桂心各半斤為末蜜丸梧子六每溫水服二三十丸 四肢

腫滿白朮三兩咬咀每服半兩水一盞半大  
 棗三枚煎九分溫服日三四服不拘時中  
 風口噤不知人事白朮四兩酒三升煮一升  
 頓服產後中寒遍身冷直口噤不識人白  
 朮一兩澤瀉一兩生姜五錢水一升煎服  
 頭忽眩暈經夕不寢四體漸羸飲食無味好  
 食黃土用朮三斤麩三斤搗篩酒和丸梧子  
 大每飲服二十九日三服忌菘菜桃李青魚  
 溼氣痛白朮切片煎汁熬膏白湯點服  
 中溼骨痛朮一兩酒三盞煎一盞頓服不飲  
 酒以水煎之婦人肌熱血虛白朮白茯苓  
 白芍藥各一兩甘草半兩為散姜煎服小  
 兒蒸熱脾虛羸瘦不能飲食方同上風瘙  
 癩疹白朮為末酒服方寸七日二面多黧  
 黧雀卵色苦酒漬朮日日拭之極效自汗  
 不止白朮末飲服方寸七日二脾虛盜汗

白朮四兩切片以一兩同牡礪炒一兩同石  
 斛炒一兩同麥麩揀朮為末每服三錢食遠  
 粟米湯下日三老少虛汗白朮五錢小麥  
 一撮水煮乾去麥為末用黃耆湯下一錢  
 產後嘔逆別無他疾者白朮一兩二錢生姜  
 一兩五錢酒水各二升煎一升分三服脾  
 虛脹滿脾氣不和冷氣客于中壅遏不通是  
 為脹滿用白朮二兩橘皮四兩為末酒糊丸  
 梧子大每食前水香湯下三十丸脾虛洩  
 瀉白朮五錢白芍藥一兩冬月用肉豆蔻煨  
 為末米飲丸梧子大每米飲下五十丸日二  
 久瀉滑腸白朮炒茯苓各一兩糯米炒二  
 兩為末棗肉伴食或丸服之老少滑瀉白  
 朮半斤黃土炒山藥四兩炒為末飯丸量人  
 大小米湯服或加人參三錢老人常瀉白  
 朮二兩黃土拌蒸焙乾去土蒼朮五錢泔浸

炒茯苓一兩為末米糊丸梧子大每米湯下  
七八十九 小兒久瀉脾虛米穀不化不進  
飲食用白米炒二錢半夏麴二錢半丁香  
半錢為末姜汁麩糊丸黍米大每米飲隨大  
小服之 腸風痔漏脫肛瀉血面色萎黃積  
年不瘥者白朮一斤黃土炒研末乾地黃半  
斤飯上蒸熟搗和乾則入少酒丸梧子大每  
服十五丸米飲下日三服 孕婦束胎白朮  
枳殼麩炒等分為末燒飯丸梧子大入月一  
日每食前溫水下三十九胎瘦則易產 牙  
齒日長漸至難食各髓溢病白朮煎湯漱效  
服木法身髭髮駐顏色壯筋骨明耳目除  
風氣潤肌膚久服令人輕健蒼朮不計多少  
米泔水浸三日逐日換水取出刮去黑皮切  
片曝乾慢火炒黃細搗為末每一斤用蒸過  
白茯苓末半斤煉蜜丸梧子大空心卧時熟

水下十五丸別用朮末二兩甘草末一兩拌  
和作湯點之吞丸尤妙忌桃李雀蛤及三白  
諸血 蒼朮膏除風溼健脾胃變白駐顏補  
虛損大效新蒼朮刮去皮薄切米泔浸二日  
一日一換取出并華水浸過二寸春秋五日  
夏三日冬七日漉出以生絹袋盛之放在一  
半原水中揉洗津液出紐乾將渣又擣爛袋  
盛于一半原水中揉至汁盡為度將汁入大  
砂鍋中慢火熬成膏每一斤入白蜜四兩熬  
二炷香膏一斤入水澄白茯苓末半斤攪勻  
瓶收每服三匙侵早臨卧各一溫酒送下忌  
醋及酸物桃李雀蛤菘菜雞魚等物 治脾  
經溼氣少食足腫無力傷食酒色過度勞逸  
有傷骨熱用鮮蒼朮二十斤浸刮去粗皮晒  
切以米泔浸一宿取出同溪水一石大砂鍋  
慢火煎半乾去渣再入石楠葉三斤刷去紅

衣楮實子一斤川當歸半斤甘草四兩切同煎黃色濾去滓再煎如稀粥入白蜜三斤熬成膏每服三五錢空心好酒調服 蒼朮丸清上實下兼治內外障眼茅山蒼朮先刮淨一斤分作四分用酒醋糯泔童尿各浸三日一日一換取出洗搗晒焙以黑脂麻同炒香共為末酒煮麩糊丸梧子大每空心白湯下五十九 八製蒼朮丸疎風順氣養腎治腰脚溼氣痺痛蒼朮一斤洗刮淨分作四分用酒醋米泔鹽水各浸三日晒乾又分作四分用川椒紅茴香補骨脂黑牽牛各一兩同炒香揀去不用只取朮研末醋糊丸梧子大每服五十九空心鹽酒下五十歲後加沉香末一兩 蒼朮散治風溼常服壯筋骨明目蒼朮一斤粟米泔浸過竹刀刮去皮半斤無灰酒浸半斤童便浸春五夏三秋七冬十日取

出淨地上掘一坑炭火煨赤去炭將浸藥酒傾入坑內却放朮在中以瓦器蓋定泥封一宿取出為末每服一錢空心溫酒或鹽湯下六製蒼朮散治下元虛損偏墜莖痛茅山蒼朮淨刮六斤分六分一斤倉米疳一桑椹汁一酒俱浸二日炒一斤膏鹽半斤一小茴香四兩一大茴香四兩俱炒黃去茴鹽取朮為末每服三錢空心溫酒下 固真丹燥溼養脾助胃固真茅山蒼朮刮淨一斤分四分一分青鹽一兩炒一分川椒一兩炒一分川棟子一兩炒一分小茴香破故紙各一兩炒並揀木研末酒煮麩糊丸梧子大每空心米飲下五十九 平補固真丹治元臟久虛遺精白濁婦人赤白帶下崩漏金州蒼朮刮淨一斤分作四分一分川椒一兩炒一分破故紙一兩炒一分茴香食鹽各一兩炒一分川

揀肉一兩炒取淨木爲末入白茯苓末二兩  
酒洗當歸末二兩酒煮麩糊丸梧子大每空  
心鹽酒下五十九 固元丹治元臟久虛遺  
精白濁五淋及小腸膀胱疝氣婦人赤白帶  
下血崩便血等疾以小便頻數爲效好蒼朮  
刮淨一斤分作四分小茴香食鹽各一兩同  
炒一分川椒補骨脂各一兩同炒一分川烏  
頭川揀子肉各一兩同炒一分醇醋老酒各  
半斤同煮乾焙連同炒藥通爲末用酒煮糊  
丸梧子大每服五十九男以溫酒女以醋湯  
空心下 少陽丹蒼朮米泔浸半日刮皮晒  
乾爲末一斤地骨皮溫水洗淨去心晒研一  
斤熟桑椹二十斤入瓷盆揉爛絹袋壓汁和  
末如糊傾入盤內日晒夜露承日精月華待  
乾研末煉蜜丸赤小豆大每服二十九無灰  
酒下日三服一年白髮返黑三年面如童子

交感丹補虛損固精氣烏髭髮久服令人  
有子茅山蒼朮刮淨一斤分作四分酒醋米  
泔鹽湯各浸七日晒研川椒紅小茴香各四  
兩炒研陳米糊丸梧子大每服四十九空心  
溫酒下 交加丸升水降火除百病蒼朮刮  
淨一斤分作四分一分米泔浸炒一分鹽水  
浸炒一分川椒炒一分破故紙炒黃蘗皮刮  
淨一斤分作四分一分酒炒一分童尿浸炒  
一分小茴香炒一分生用揀去各藥只取木  
藥爲末煉蜜丸梧子大每服六十九空心鹽  
湯下 坎離丸滋陰降火開胃進食強筋骨  
去溼熱白蒼朮刮淨一斤分作四分一分川  
椒一兩炒一分破故紙一兩炒一分五味子  
一兩炒一分川芎藭一兩炒只取木研末川  
藥皮四斤分作四分一斤酥炙一斤人乳炙  
一斤童尿炙一斤米泔炙各十二次研末和

勻煉蜜九梧子大每服三十九早酒午茶晚  
 白湯下不老丹補脾益腎服之七十亦無  
 白髮茅山蒼朮刮淨米泔浸軟切片四斤一  
 斤酒浸焙一斤醋浸焙一斤鹽四兩炒一斤  
 椒四兩炒赤白何首烏各二斤米泔浸竹刀  
 刮切黑豆紅棗各五升同蒸至豆爛曝乾地  
 骨皮去骨一斤各取淨末以桑椹汁和成劑  
 鋪盆內汁高三指日曬夜露取日月精華待  
 乾以石臼搗末煉蜜九梧子大每空心酒服  
 一百九靈芝丸治脾腎氣虛添補精髓通  
 利耳目蒼朮一斤米泔水浸春夏五日秋冬  
 七日逐日換水竹刀刮皮切晒石臼為末棗  
 肉蒸和九梧子大每服三五十九棗湯空心  
 服補脾滋腎生精強骨真仙方也蒼朮去  
 皮五斤為末米泔水漂澄取底用脂麻二升  
 半去殼研爛絹袋濾去渣澄漿拌水暴乾每

服三錢米湯或酒空心調服面黃食少男  
 婦面無血色食少嗜卧蒼朮一斤熟地黃半  
 斤乾姜炮各一兩春秋七錢夏五錢為末糊  
 九梧子大每溫水下五十九小兒癖疾蒼  
 朮四兩為末羊肝一具竹刀批開撒末末線  
 縛入砂鍋煮熟搗作丸散食生米男子婦  
 人因食生熟畱滯腸胃遂至生虫久則好食  
 生米否則終日不樂至憔悴萎黃不思飲食  
 以害其生用蒼朮米泔水浸一夜剉焙為末  
 蒸餅九梧子大每服五十九食前米飲下日  
 三服用之有驗腹中虛冷不能飲食食輒  
 不消羸弱生病朮二斤麴一斤炒為末蜜丸  
 梧子大每服三十丸米湯下日三服大冷加  
 乾姜三兩腹痛加當歸三兩羸弱加甘草二  
 兩脾溼水瀉注下困弱無力水穀不化腹  
 痛甚者蒼朮二兩白芍藥一兩黃芩半兩淡



桂二錢每一兩水盞半煎一盞溫服脈弦頭微痛去芍藥加防風二兩 暑月暴瀉壯脾溫胃用神麩炒蒼朮米泔浸一夜焙等分爲末糊丸梧子大每服三五十九米飲下 發瀉久痢蒼朮二兩川椒一兩爲末醋糊丸梧子大每服二十九食前溫水下惡痢久者加桂 脾溼下血蒼朮二兩地榆一兩分作二服水二盞煎一盞食前溫服久痢虛滑以此 桃花丸 腸風下血蒼朮不拘多少以皂角揆濃汁浸一宿煮乾焙研爲末麵糊丸如梧子大每服五十九空心米飲下日三 溼氣身痛蒼朮泔浸切水煎取濃汁熬膏白湯點服 補虛明目健骨和血蒼朮泔浸四兩熟地黄焙二兩爲末酒糊丸梧子大每溫酒下 三五十九日三 青盲雀日蒼朮四兩泔浸一夜切焙研末每三錢猪肝三兩批開摻藥

在內扎定入粟米一合水一椀砂鍋煮熟熏眼臨卧食肝飲汁不拘大人小兒皆治 又方不計時月久近用蒼朮二兩泔浸焙搗爲末每服一錢以好羊子肝一斤竹刀切破摻藥在內麻扎以粟米泔煮熟待冷食之以愈爲度 眼目昏濇蒼朮泔浸七日去皮切焙木賊各二兩爲末每服一錢茶酒任下 嬰兒見日濇不開或出血蒼朮二錢入猪膽中扎煮將藥氣熏眼後更嚼取汁與服妙 風牙腫痛蒼朮鹽水浸過燒存性研末揩牙去風熱 臍疝恠病腹中如鐵石臍中水出旋變作虫行連身嘔痒難忍撥掃不盡用蒼朮濃煎湯浴之仍以蒼朮末入麝香少許水調服 辟一切惡氣蒼朮同猪蹄燒烟能除邪祟 消災疹歲旦及病疫人家往往燒之 飲辟蒼朮一斤去皮切片爲末麻油半兩水二錢

研濾汁大棗五十枚煮去皮核搗和丸桐子  
 大每日空心温服五十九漸至一二百丸忌  
 桃李雀肉三月疾除常服胸膈寬利飲啖如  
 常許叔微因少年夜坐寫文左向伏几中夜  
 飲酒數盃又向左卧飲食多墜左邊後飲食  
 止從左下心中嘈雜脅痛食減十數日必嘔  
 酸水數升暑月左邊無汗積  
 三十年後製此方服之而愈

○典故

南陽文氏漢末逃難壺山中飢困欲死  
 有人教之食木遂不飢數十年乃還鄉  
 里顏色更少氣力轉勝抱朴子 陳子皇得  
 餌木要方其妻得疾病服之自愈神仙傳  
 越民高氏妻病恍惚詭語亡夫之鬼憑之其  
 家燒蒼木鬼遽求去氣類 江西一士為  
 女妖所染其鬼將別曰君為陰氣所侵必當  
 暴泄但多服平胃散為良中有蒼木能去邪

也(裏) 堅志

○麗藻

必欲長生常服山精神農藥經 序 吾察草木之精速益  
 於已者並不及木之  
 多驗也可以長生久視遠而更靈山林隱  
 逸得服木者五岳比肩西遊記 啓  
 綠葉抽條紫花標色百邪外禦六府內充山  
 精見書華神在錄木華火謝盡采擷之勞啓  
 且移申窮淋瀝之劑 味重金漿芳踰玉液  
 修製有勞神慮足使坐致延生俱瘦肩吾

檀香

一名旃檀一名直檀出廣州雲南及占城  
 真臘諸國今嶺南諸地亦皆有之樹葉皆似

荔枝皮青色而滑澤有三種黃檀 皮實 白檀 色黃

皮潔色白紫檀皮膚腐其木並堅重清香而白檀黃  
 檀尤盛宜以紙封固則不洩氣紫檀新者色  
 紅舊者色紫有蟹爪文白檀辛溫氣分之藥  
 故能理胃氣調脾肺利胸膈紫檀鹹寒血分  
 之藥故能和營氣消腫毒治金瘡中土所產  
 之檀有黃白二種葉皆如槐皮青而澤肌細  
 而膩體重而堅與梓榆相似亦檀香之類但  
 不香則地氣使然也

○種植

臘月分木  
小株種之

○附錄降真香

一名紫藤香一名雞骨香生南  
海及大秦國今兩廣雲南皆有

不甚佳舶上來名番降紫而潤者良  
 焚之氣勁而遠可以降神故名降真  
 其樹春如枯夏方萌梅雨過方舒  
 葉葉既開則水定以之候水極準

望水檀

○療治

心腹痛腎氣痛霍亂白檀二錢煎服  
腰腎痛白檀磨水塗患處 面生黑子

每夜以漿水洗拭令赤磨汁塗之甚良  
 檀塗身能除一切熱惱 惡毒風毒紫檀磨  
 塗之 金瘡止血止痛紫檀刮末敷 一切  
 卒腫醋磨紫檀敷之 瘡疥檀木根皮磨塗  
 之殺虫 檀木皮榆皮為粉食可斷穀救荒  
 金瘡止血生肌降真五倍子銅花等分為

未敷之 癰疽惡毒降真末楓香等分爲末  
熏之去惡氣甚妙 燒降真辟天行時氣宅  
舍怪異 小兒帶降  
真辟邪惡不正之氣

○典故 周密被海寇刀傷血出不止筋如斷骨  
如折軍士李高掩以紫金散血止痛定  
明日結痂如鐵遂愈且無癍痕扣其方用紫  
藤香瓷瓦刮下研末即降真之最佳者曾救  
萬人 甚效

**當歸** 一名文無一名乾歸一名山蘄一名白蘄  
春生苗葉綠有三稜七八月開花似蒔蘿淺  
紫色根黑黃以肉厚不枯者爲勝今秦蜀諸

處多栽蒔貨賣其頭圓尾多色紫氣香肥潤  
者秦產也名馬尾端最勝他處者頭大尾多  
色白堅枯名鑷頭端止宜入發散藥氣味苦  
溫無毒和血補血破惡血養新血凡血病宜  
用之治妊婦產後惡血上衝倉卒取效氣血  
昏亂者服之即定能使血氣各有所歸當歸  
之名疑取諸此婦人之要藥也頭止血而上  
行身養血而中守尾破血而下流全活血而

不走則治上當用頭治中當用身治下當用  
尾通治則全用此一定之理也惡涇麵藺茄

畏菖蒲海藻生薑制雄黃

○製用

去蘆頭水洗去土酒浸一宿日乾或火乾切片如收藏晒乾乘熱紙封甕不蛀

○療治

血虛發熱肌膚燥熱困渴引飲目赤面紅晝夜不息其脉洪大而虛重按全無力此血虛之候也得于飢困勞役證象白虎

但脉不長實為異耳誤服白虎湯即死宜此主之當歸身酒洗二錢綿黃芪蜜炙一兩作一服水二鍾煎一鍾空心溫服日再服失血眩暈凡傷胎或產後崩中金瘡拔牙一切去血過多心煩眩暈悶絕不省人事當歸三

錢三分芎藭一錢七分每用五錢水七分酒三分煎七分熱服日再服頭暈不止當歸焙研末每服一錢米飲下小便出血當歸四兩剉酒三升煮一升頓服頭痛欲裂當歸二兩酒一升煮取六合飲日再服內虛目暗補氣養血當歸生晒六兩附子火炮一兩為末煉蜜丸桐子大每服三十九溫酒下心下痛刺當歸為末酒服方寸七手臂疼痛當歸三兩切酒浸三日溫飲之飲盡別以三兩再浸以瘥為度痲瘋不止當歸一兩水煎飲日一久痢不止當歸二兩吳茱萸一兩同炒香去黃為末蜜丸桐子大每服三十丸米飲下大便不通當歸白芷等分為末每服三錢米湯下婦人百病諸虛不足當歸四兩地黃一兩為末蜜丸梧子大每食前米飲下十五丸月經逆行從口鼻出先以

詳考譜 卷一 藥譜 四九

京墨磨汁服止之次用當歸尾紅花各三錢  
 水一鍾半煎八分溫服經即通 室女經閉  
 當歸尾沒藥各一錢為末紅花浸酒面北飲  
 下一日一服 婦人血氣臍下氣脹月經不  
 利血氣上攻欲嘔不得睡當歸四錢乾漆燒  
 存性二錢為末煉蜜丸梧子大每服十五丸  
 溫酒下 墮胎下血不止當歸焙一兩葱白  
 一握每服五錢酒一盞半煎八分溫服 妊  
 娠胎動或子死腹中血下疼痛口禁欲死服  
 此探之不損則痛止已損便立下此乃徐王  
 神驗方也當歸二兩芎藭一兩為粗末每服  
 三錢水一盞煎令欲乾投酒一盞再煎一沸  
 溫服或灌之如人行五里再服不過三五服  
 便效 產難胎死橫生倒生用當歸三兩芎  
 藭一兩為末先以大黑豆炒焦入流水一盞  
 童便一盞煎至一盞分為二服未效再服

倒產子死不出當歸末酒服方寸七 產後  
 血脹腹痛引脅當歸二錢乾姜炮五分為末  
 每服三錢水一盞煎八分入鹽酢少許熱服  
 產後腹痛如絞當歸末五錢白蜜一合水  
 二盞煎一盞分為二服未效再服 產後自  
 汗壯熱氣短腰脚痛不可轉當歸三錢黃芪  
 合芍藥酒炒各二錢生姜五片水一盞半煎  
 七分溫服 產後中風不省人事口吐涎沫  
 手足癱瘓當歸荆芥穗等分為末每服二錢  
 水一盞酒少許童尿少許煎七分灌之下咽  
 即有生意神效 小兒胎寒好啼晝夜不止  
 因此成癩當歸末一小豆大以乳汁灌之日  
 夜三四度 小兒臍濕不早治成臍風或腫  
 赤或出水用當歸末傳之一方入麝香少許  
 用胡粉等分試之最驗若愈後因尿入腹作  
 再傳即愈 湯火傷瘡焮赤潰爛用此生肌

板熱止痛當歸黃蠟各一兩麻油四兩以油煎當歸焦去滓納蠟攪成膏出火毒攤貼之  
白黃色杜舌縮恍惚若語亂者死  
當歸白朮二兩水煎人生芩蜜和服

**川芎**

一名芎藭一名香果一名山鞠窮一名蕪

蕪清明後宿根生苗分而橫埋之宜鬆肥土節節生根澆宜退牲水葉香似芹而微細窄有叉又似胡荽葉而微壯叢生細莖七八月間開碎白花如蛇床子花根下始結芎藭瘦黃黑色關中出者形塊重實作雀腦狀為雀

腦最有力九月十月採者佳三四月虛惡不堪用凡用以塊大肉中色白不油嚼之微辛甘者佳他種不入藥止可為末煎湯沐浴耳味辛溫無毒治中風入腦頭痛寒痺除腦中冷痛面上遊風止瀉痢燥溼行氣開鬱今人用此最多頭面風不可缺須以他藥佐之不可單服令人暴亡戒之藥可作茶飯

○療治

生犀丸宋真宗賜高相國去痰清目進飲食川芎十兩紫小者粟米泔浸二日

換切片子日乾為末作兩料每料入麝腦各一分生犀角半兩重湯煮蜜和丸小彈大茶酒嚼下一丸隔痰加牛黃一分水飛鐵粉一分頭目昏加細辛一分口眼喎斜加炮天南星一分氣虛頭痛真川芎為末臘茶調服二錢甚捷曾有婦人產後頭痛一服即愈氣厥頭痛婦人氣盛頭痛及產後頭痛川芎窮天台烏藥等分為末每服二錢葱茶調下一方加白朮水煎服風熱頭痛川芎窮一錢茶葉三錢水一鍾煎五分食前熱服頭風化痰川芎洗切晒乾為末煉蜜丸如小彈子大不拘時嚼一丸茶清下偏頭風痛京芎細切浸酒日飲之風熱上衝頭目暈眩或胸中不利川芎槐子各一兩為末每服三錢用茶清調下胸中不利用水煎服頭風旋暈及偏正頭痛冬汗惡風胸膈痰飲川芎

窮一斤天麻四兩為末煉蜜丸如彈子大每嚼一丸茶清下失血眩暈方見當歸下  
 一切心痛大芎一箇為末燒酒服之一箇住一年兩箇住二年經閉驗胎經水三箇月不行驗胎法川芎生為末空心煎艾湯服一匙腹內微動者是不動者非也損動胎氣因跌撲舉重損胎不安或子死腹中者芎窮為末酒服方寸七須臾一二服立出崩中下血晝夜不止芎窮一兩清酒一大盞煎取五分徐徐進聖惠加生地黃汁二合同煎酒癖脅脹時復嘔吐腹有水聲川芎窮三稜炮各一兩為末每服二錢葱白湯下小兒腦熱好閉目或太陽痛或目赤腫川芎窮薄荷杆硝各二錢為末以少許吹鼻中齒敗口臭水煎芎窮含之牙齒疼痛大川芎窮一箇入舊糟內藏一月取焙入細辛同研末



指牙 諸瘡腫痛撫芎煨研入輕粉麻油調  
塗 產後兩乳忽長細小如腸垂過小肚痛  
不可忍危亡須臾名曰乳懸將芎窮當歸各  
一斤用半斤剉散于瓦石器內用水濃煎不  
拘多少頓服仍以一斤半剉塊于病人卓下  
燒烟將口鼻吸烟用盡未愈再作一料仍以  
草麻子一粒貼其頂心 風痰芎窮爲  
末蜜和大丸夜服 齒根出血含之瘡

**五加**

一名文章草一名金玉香草一名金盤一  
名五花一名追風一名材漆一名材節使江  
淮湖南州郡皆有之春生苗莖葉皆青作叢  
苗莖俱有利類薔薇長者至丈餘葉五出香

一云五葉者唯三葉

氣似橄欖春時結實如豆粒而扁色青得霜

者雄陰人用陽陽人用陰

乃紫黑根類地骨皮輕脆芬香一云生南方  
者微白而柔紉大類桑白皮生北方者微黑  
而硬入藥用南方者苗可作茄皮浸酒久服  
輕身耐老明目下氣補中益精堅筋強志意  
黑鬚髮令人有子或只爲散代茶餌之亦驗

○種植

採掘肥地每二尺埋一根令沒舊痕甚  
易活苗生從一頭剪訖鋤土壅之五月

採莖十月採根  
皆取皮陰乾

○製用

造酒方用五加皮洗淨去骨莖葉亦可

可煮酒飲加遠志為使更良一方加木瓜煮酒服談野翁試驗方云神仙煮酒法用五加皮地榆刮去粗皮各一斤袋盛入無灰好酒二十大罈封固安大鍋內文武火煮罈上安米一合米熟為度取出入水中三日出火毒渣晒乾為丸每服五十九藥酒送下臨臥再服能去風溼壯筋骨順氣化痰添精補髓久服延年益壽功難盡述王綸醫云風病飲酒能生痰火惟五加皮一味浸酒日飲數盃最有益諸浸酒藥惟五加與酒相合且味美又方洗淨晒乾為末每空心酒服三錢一月後去宿疾

○療治

虛勞不足五加皮枸杞根白皮各一斗水一石五斗煮汁七斗分取四斗浸麴

一斗用三斗拌飯如常釀酒法待熟任飲男婦脚氣骨節皮膚腫溼疼痛服此進飲食健氣力不忘事用五加皮四兩酒浸遠志去心四兩酒浸並春秋三日夏二日冬四日日晒為末以浸酒為糊九梧子大每服四五丸温酒下如藥酒壞別用酒為糊小兒三歲不能行者用此便走五加皮五錢牛膝木瓜各二錢半為末每服五分米飲入酒二三點調服婦人血虛憔悴困倦喘滿虛煩翕翕少氣發熱多汗口乾舌澀不思飲食名血風勞油煎散用五加皮牡丹皮赤芍藥當歸各一兩為末每用一錢水一盞青錢文藥油入藥煎七分温服常服能使婦人肥胖五勞七傷五月五日采五加莖七月七日采葉九月九日取根其治末每酒服方寸七日三服入服去勞目瞤息膚五加皮不聞水

聲者搗末一升和酒二升浸七日一日服二次禁醋二七日遍身行瘡是毒出不出以生熟湯浴之取瘡愈 服石毒發或熱禁向冷地臥五加皮二兩水四升煮二升半發時便服 火竈丹毒從兩脚起如火燒五加根葉燒灰五兩取煨鐵家槽中水和塗之

○典故

魯定公母服五加酒以致不死尸解而去 張子聲揚建始王叔才于世彥等皆服此酒而房室不絕得壽三百年有子二十人世人服而延年者甚衆

○麗藻散語

寧得一把五加不願黃金滿車 青精入莖有東方之液白氣入節有西方之津赤氣入華有南方之光玄精入根有北方之精黃烟入皮有戊巳之靈五神鎮主轉相育成餌之者真仙服之者反嬰

地榆

一名玉豉一名玉札一名酸赭蘄州呼為

酸棗平原川澤皆有之宿根三月內生苗初生布地獨莖直上高三四尺對分出葉葉似榆葉而稍狹細長似鋸齒狀青色七月開花如樅子紫黑色根外黑裏紅似柳根味苦微寒無毒消酒止渴補腦明目止膿血除惡肉療金瘡此草靈而不濡太陽氣盛也鑠金爛石炙其根作飲若茗取其汁釀酒治風痺

○療治

男女吐血地榆三兩米醋一升煮十餘沸去滓食前稍熱服一合 婦人漏下

赤白不止令人黃瘦方同上 血痢不止地榆晒研每服二錢摻在羊血上炙熟食之以捻頭煎湯送下一方以地榆煮汁飲每服三合 赤白下痢骨立者地榆一斤水三升煮一升半去滓再煎如稠餈絞濾空腹三合日再 久病腸風痛痒不止地榆五錢蒼朮一兩水二鍾煎一鍾空心服日一 下血不止二十年者取地榆鼠尾草各二兩水二升煮一升頓服若不斷以水漬屋塵飲一小盃投之 結陰下血腹痛不已地榆四兩炙甘草三兩每服五錢水一盞入縮砂四七枚煎一盞半分二服 小兒疳痢地榆煮汁熬如飴糖與服便已 毒蛇螫人新地榆根搗汁飲兼以漬瘡 虎犬咬傷地榆煮汁飲并為末

傳之亦可為末白湯服日三忌酒 代指腫

痛地榆煮汁漬之半日愈 小兒溼瘡地榆

煮濃汁日洗二次 小兒面瘡焮赤腫痛地

榆八兩水一斗煎五升溫洗之 煮白石法

七月七日取地榆根不拘多少陰乾百日燒

為灰復取生者與灰合搗萬下灰三分生末

一分合之若石子二三斗以水浸過三寸以

藥入水攪之煮至石爛可食乃已 葉作飲

代茶甚 解熱

○典故

尹公度曰寧得一片地榆不用明月寶珠 西域真人曰何以得長壽食石用

玉豉 地榆與五加 煮食之可成神仙

黃精一名黃芝一名玉芝草一名戊巳芝一名

兔竹一名鹿竹一名龍銜一名雞格一名米

舖一名重樓一名野生薑一名救窮草一名

仙人餘糧南北皆有嵩山茅山者佳根苗花

實皆可食三月生苗高一二尺葉如竹而短

兩兩相對嫩苗采為茹名筆管菜甚美莖梗

柔脆頗似桃枝本黃末赤四月開青白花如

小豆花結子白如黍米粒根如嫩生薑而黃

把地者大如拳溥地僅如拇指純得土之冲

葉不對名  
偏精功多  
葉有鈎名  
鈎吻殺人

亦有無子者

氣而乘乎季春之令味甘平無毒補中益氣

除風溼安五臟久服輕身延年不飢

○種植 二月間劈根長二寸稀種膏腴地一年後極稠子亦可種冬取其根

○製用 凡採得以溪水洗淨蒸之從已至子薄切晒乾 春深採根九蒸九曝搗如餠

可作果實 根一石細切水二石五斗煮去苦味漉入絹袋壓汁澄之再煎如膏以炒黑

豆黃為末作餅約二寸大可供客 黃精細切一石用水二石五斗自旦煮至夕候冷以

手接碎布袋榨取汁煎之渣晒乾為末同入釜中煎熬為丸如雞子大每服一丸日三服

絕粮除百病身輕不老渴則飲水 黃精根莖不限多少細剉陰乾搗末每日水調多少

任服一年內變老為少久久成地仙 同系  
樵漆葉何首烏茅山木作丸餌可變白久之  
殺三虫能使足溫而不寒 同木久服可輕  
身涉險不飢 同地黃天門冬釀酒可去風  
益血

○療治

補肝明目黃精二斤蔓菁子一升九蒸  
九晒為末每空心米飲下二錢延年益

壽 營氣不清久而成癩鼻壞色敗黃精根  
去皮淨洗二斤曝納粟米飯中蒸至米熟時

時食之 精氣虛黃精枸杞子等分搗作餅  
日乾為末煉蜜丸梧子大每湯下五十九

○典故

臨川一婢逃入深山見野草可愛取根  
食之久之不飢夜息大樹下聞草中動

以為虎上樹避之及曉下地身鄰然凌空若  
飛鳥人捕之不獲後食酒餌遂不能去 顯

况紀秦時建阿房宮采木者餽食黃精天蒜  
不覺竦身飛上就山下人家栽詩云酒盡君  
莫酤壺傾我當發城市多囂塵還山弄明月  
今平樂志所載榮山水客事葢附會此說余  
昔在昭州常詢之陶偉西明府云少時聞  
父老言曾有人見之今久不聞矣 張

○麗藻詩五言

三春劇黃精一食生羽毛 補  
北風起寒文弱藻舒翠縷明

涵容衣淨細蕩林影趣何當宅下流餘潤  
通藥圃三春溼黃精一食生羽毛 補

言 掃除白髮黃精在君 歌 長鏡長鏡白木柄  
看他年冰雪容 補 我生依子以為命

黃精無苗山雪盛短衣數挽不掩脛此時與  
子空歸來男呻女吟四壁靜嗚呼二歌兮歌

始放閑里為我  
色惆悵 前

牛膝一名牛脛一名百倍一名山莧菜一名對節菜江淮閩越關中皆有以懷慶爲真以人栽蒔者爲良其苗方莖粗節葉皆對生頗似莧葉而長且尖梢秋月開花作穗結子狀如小鼠負虫有濇毛皆貼莖倒生九月采根貨賣者多用水泡去皮裹紮曝乾白直可貴但其汁既去入藥力減終不如留皮者力大氣味苦酸平無毒主治寒溼痿痺四肢拘攣膝

痛不可屈伸補中續絕益精利陰填骨髓除腰脊痛治久瘧寒熱五淋尿血下痢癰腫惡瘡折傷喉痺口瘡齒痛莖中痛下死胎亦能墮胎孕婦忌用病人虛羸者加而用之名牛膝者言其滋補如牛之多力也

○修治

凡使去蘆頭以酒浸洗飲下行則生用滋補則焙用或酒拌蒸用

○種植

秋收子至春種肥地深畔土鬆易長耙土平方下種水糞澆剪苗食如剪韭法旱則鋤耘荒則澆水秋中亦可種

○療治

勞瘧積久不止者長牛膝一握生切以水六升煮二升分三服清草一服未發前一服臨發一服消渴不止下元虛損牛膝五兩為末生地黄汁五升浸之日曝夜浸汁盡為度密丸梧子大每空心溫酒下三十丸久服壯筋骨駐顏色黑髮津液自生卒暴癥疾腹中有如石刺晝夜啼呼牛膝二斤以酒一斗漬之密封于灰火中溫令味出每服五合至一升隨量飲痢下腸蠱凡痢下應先白後赤若先赤後白為腸蠱牛膝二兩搗碎以酒一升漬經一宿每飲一兩盃日三服婦人血塊土牛膝根洗切焙搗為末酒煎溫服極効福州人單用之女人月經淋閉月信不來遶臍疼痛及產後血氣不調腹中結瘕癥不散諸病牛膝酒浸一宿焙乾漆炒令烟盡各一兩為末生地黄汁一升入

石器內慢火熬至可丸九桐子大每服二九空心米飲下婦人陰痛牛膝五兩酒三升

煮取一升半去滓分三服生胎欲去牛膝一握搗以無灰酒一盞煎七分空心服仍以

獨根土牛膝塗麝香插入牝戶中胞衣不出牛膝八兩葵子一合水九升煎三升分三

服產後尿血川牛膝水煎頓服喉痺乳蛾新鮮牛膝根一握艾葉七片搗和人乳取

汁灌入鼻內須臾痰涎從口鼻出即愈無艾亦可一方牛膝搗汁和陳酢灌之口舌瘡

爛牛膝浸酒含漱亦可煎飲牙齒疼痛牛膝研末含漱亦可燒灰折傷肉胸杜牛膝

搗罨之金瘡作痛生牛膝搗敷立止卒得惡瘡人不識者牛膝根搗傳之癰疽已

潰用牛膝根畧刮去皮挿入瘡口中留半寸在外以嫩橘葉及地錦草各一握搗傳其上



牛膝能去惡血二草溫涼止痛隨乾隨換有十全之功風瘙癢疹及痞癰牛膝末酒服方寸七日三骨疽癰病方同上氣溼痺痛腰膝痛用牛膝葉三斤切以米三合於豉汁中煮粥和鹽醬空腹食之老瘡不斷牛膝莖葉一把切以酒三升漬服令微有酒氣不即斷更作不過三劑止溪毒寒熱冬間有溪毒中人似射工但無物初病惡寒發熱煩惱骨節強痛不急治生虫入臟殺人用雄牛膝紫色節大者一把以酒水各一盃同搗絞汁溫飲日三服眼生珠管


牛膝并葉搗汁日點三四次

○典故 老人久苦淋疾百藥不效偶見臨汀集要方中用牛膝者服之而愈田南潤

葉朝議親人患血淋流下小便在盆內凝如蒟蒻久而有變如鼠形但無足百治不効

醫煎牛膝根濃汁日飲五服各地髓湯雖未即愈而血色漸淡久乃復舊後十年病又發服之又瘥因檢本草見肘後方治小便不利莖中痛欲死用牛膝并葉以酒煮服之今再拈出表其神功小便淋痛或尿血或沙石脹痛用川牛膝一兩水二盞煎一盞溫服一婦患此十年服之得效土牛膝亦可或入麝香乳香尤良

二如亭群芳譜藥部卷之一



卷中蕭茂子甲午秋年  
 眼之天熱因鉢本草具根發式  
 哨愈而血益補益八代對舊對十五  
 醫簡半類昧懸十日增正別谷故謝吳謝天

